

## Kadyanshi ka Shinga ka Yahaya

### *Ukukpa u kadyanshi*

Yahaya, uza da korongi tagarada u na vi u rongo ta evu n Yesu a'ayin a da Yesu yain manyan ma ne pini na a likimba. An nala u wurai, Yahaya tuwa ta u wokoi uzapige a asuvu a atoni a Yesu. A tagarada u na vi, u yan ta kadyanshi ka ili i'ya i gitai an wari kabolo n Yesu.

A tagarada u na vi tsa wene ta ili i'ya Yesu dansai n i'ya u yansai an wari kabolo n ama. Tsa wene ta alabari a uka u aza a Samariya uza da u wushai mini ma unaka uma ma Yesu, uka da a kanai n unyushi u cingi, kaje ka ne Li'azaru uza da u 'yangasai a ukpa, n ili i roku ushani i'ya u yansai. Yesu isa ta kaci ka ne "Mpa" kala ka lakai uwulukpi ka Kashila a kaletsu ka aza a Yahuda. U wenike ta iryoci ushani i'ya ya wenike an eyi kaliniki ka shinga ka, kpam aya katyaci ka mayun. Yahaya wenike ta ikunesavu i shindere i'ya Yesu yain i'ya i wenikei tyoku da Yesu wari. U te a asuvu a le u da, an Yesu tanasai kawunu, wa ta tyoku u tata u ne, uza da bawu wa asaka manyan ma ne.

Yahaya korongu ta ili i na yi tsara ama a pityanangu n Yesu, kpaci aya Kawauwi. A masala ma 3 makpanda ma 16, tsa wene ta kadyanshi ka ucira ka ka wenike tyoku da Kashila ka ciga ama a asuvu a likimba u na. Cinda Yahaya wenei ili i na yi n a'eshi a ne, u gan ta tsu wushuku n ili i'ya u danai vi mayun da.

*Ili i'ya i'ari a tagarada u na vi*

Ushipa adama a ucikpala udani vi (1:1-18)

Akani a Yahaya Kalyuɓugi (1:19-34)

Yesu dangasai atoni a ne a kagita (1:35-51)

Ikunesavu i shindere i Yesu (2:1-12:50)

A'ayin a shindere a makorishi a Yesu: Ukondo u ne n ukpa u ne (13:1-19:42)

Yesu wa ta n uma (20:1-10)

Yesu wenikei kaci ka ne a asu u atoni a ne (20:11-21:25)

*Udani u da u tsu naka uma*

<sup>1</sup> Kahu a yain likimba, Udani\* wa ta pini. Wa ta kaɓolo n Kashila, kpam dem Kashila ka. <sup>2</sup> A kagita wa ta kaɓolo n Kashila.

<sup>3</sup> U yan ta ili i'ya i'ari pini gba, ili i'a la i'ya bawu u yain wa.

<sup>4</sup> Aya kami ka uma, kpam uma u nala vi u tuko ta ama katyashi. <sup>5</sup> Katyashi ki ka wakana ta a asuvu a karimbi, kpam karimbi ki ka fuda ka cimbusa ka wa.

<sup>6</sup> Kashila ka suku ta vuma roku, uza da a ka isa Yahaya,† n kadyanshi. <sup>7</sup> U tuwa ta u tonuko ama ukuna u mayun u katyashi vi, tsara ya dem u pityanangu adama a ili i'ya u danai vi. <sup>8</sup> Aya katyashi ki wa, shegai u tuwa ta u tonuko ama ukuna u mayun u katyashi vi. <sup>9</sup> A'ayin a da baci

---

\* **1:1** Aza a Yahuda a bidya ta Udani vi Kashila ka, kpaci caupa de a tsu isa kala ka Kashila karara wa, shegai "Udani" ko "Tata." A mkpanda n 10 n 14 n wenike tsu ta an Yahaya wa dansa a kaci ka Yesu an u yankai "Udani" manyan. † **1:6** Yahaya u makpanda ma na mi Yahaya Kalyuɓugi da, Yahaya kasuki uza da korongi tagarada u na vi u da wa.

katyashi ka mayun ki ka tuwāi a likimba, ka naka ta ama gba katyashi.

<sup>10</sup> Udani vi wari ta a likimba, kpm Kashila ka yan ta manyan n eyi an u yain likimba, kpm gba n nala ama a likimba a reve yi wa. <sup>11</sup> U tuwa ta a uyamba u ne, shegai ama a ne a wusha yi wa. <sup>12</sup> Ama roku a wusha yi ta, kpm a wushuki n eyi. Adama a nala u zuwa le a wokoi mmuku n Kashila. <sup>13</sup> A'ayin a da isheku i le i matsa le a likimba, ilimaci i nala i zuwa le a woko mmuku n Kashila wa. Kashila ka ka zuwa le a wokoi mmuku n ne.

<sup>14</sup> Udani vi u woko ta vuma, kpm u rongoi n atsu. Wa ta ushadangi n ukuna n shinga n u mayun. Tsu wene ta tsupige tsu ne; wata, tsupige tsa u wushai vi, kpaci aya koshi Maku ma Tata.

<sup>15</sup> Yahaya dana ta ukuna u mayun a kaci ka Udani vi, kpm u tonukoi ama, “Uza da n yanka da kadyanshi a kaci ka ne aya gai na vi, ‘Uza roku da pini wa tuwa a kucina ku va, u la mu ta tsupige, kpaci wa ta pini kahu mpa.’ ” <sup>16</sup> Adama a nala, uciga u da wa ciga tsu cika da u tsu yansa tsu ukuna u shinga,† kpm u tsu zuwusuka tsu ta unu u shinga maco. <sup>17</sup> Musa da tukoi ama Mele, Yesu Kawauwi kpm u tukoi ama ukuna u shinga n u mayun. <sup>18</sup> Kotsu uza wa la u wenei Kashila wa. Shegai Maku mi ma zuwa ta ama a revei tyoku da Kashila kari, kpaci aya koshi Maku ma mari ili i te n Kashila ki, kpm wari evu n Tata.

*Yahaya Kalyubugi danai ukuna u Yesu  
(Matiyu 3:1-12; Marku 1:1-8; Luka 3:1-18)*

<sup>19</sup> Azapige a aza a Yahuda a Urishelima a suki adaraki n aza a Levi ubana ara Yahaya a weci yi ko ya wari.

<sup>20</sup> Yahaya kpaɗa le uwushunku wa, shegai u dansai n ele karara, “Mpa Kawauwi ki wa.”

<sup>21</sup> Aku a wece yi, “Ada baci Kawauwi ki wa, ada yai? Ada Iliya† vi?”

U wushunku le, “A'a, mpa wa.”

A doku a wece yi, “Avu Matsumate§ ma a dangasai vi ma?”

U wushuki, “A'a, mpa wa.”

<sup>22</sup> Aku a doku a wece yi, “Ada yai? Wushunku tsu tyoku da tsa ba tsa tonuko aza da a suku tsu. Ya vu bidyai kaci ka vunu?”

<sup>23</sup> Yahaya wushunku le n kadyanshi ka Ishaya matsumate:

“Mpa kalagatsu ka ka salasa a kakamba, n ka dansi,

‘Lapulai ure adama a Asheku a da a ka tuwa!’ ” ◇

<sup>24</sup> Afarishi a da a suki atsumate yi. <sup>25</sup> A wece yi, “Ada baci Kawauwi, ko Iliya, ko Matsumate ma a dangasai vi wa, nida va lyubugusu ama naha?”

<sup>26</sup> Yahaya wushunku le, “Mpa n mini ma ma lyubugusu, shegai n gogo-na naha uza roku da pini a asuvu a kakuma ka ama uza da bawu i revei.

<sup>27</sup> Aya uza da wa tuwa a kucina ku va. Mpa n ratsa n surukpa isirikatsu i akpata a ne wa.”

---

† **1:21** Adama a da Kashila ka bidyai Iliya ubana a zuba n uma u ne, da aza a Yahuda a'ari a uvana ugono u ne. § **1:21** Musa yan ta kazuwambani n aza a Isara'ila u da Kashila ka sukunku le ta Matsumate tyoku u ne. Pini nala, aza a Yahuda a'ari a uvana Matsumate mi. ◇ **1:23** Isha. 40:3.

28 Yahaya wa lyuḅugusu ama a ilyuci i Batani, kasana n Agatā a Urudu nte ili i na yi i gitai pini gba.

*Yesu da Maku ma Kondom ma Kashila*

29 An kain ka wansai, Yahaya wenei Yesu, an wa gawunsa n eyi, aku u tonukoi ama, “Maku ma Kondom ma Kashila† ka yankai manyan tsarā u cimbusukā ama a likimba unyushi u cingi u le ma na. 30 Aya gai ma dansāka an n danai, ‘Uza roku da pini wa tuwā a kucinā ku va, u la mu ta tsupige, kpaci wa ta pini kahu mpa.’ 31 Maṛi n reve an aya wa, shegai maṛi ulyuḅugusu n mini tsarā n zuwa aza a Yahuda a reve ko aya yai.”

32 Aku Yahaya danai, “N wene ta Kulu Keri ku wutai a zuba ku cipai ara ne yavu kadya ku woko yi pini. 33 Maṛi n reve an aya wa, shegai an Kashila ka suku mu n lyuḅugu ama n mini, da u tonuko mu, ‘Vu wene baci Kulu Keri ku cipai ara uza roku aku ku woko yi pini, vuma u nala vi aya ya vana vi. Aya wa lyuḅugu ama n Kulu Keri.’ 34 N wene ta ili i nala yi i gitai n Yesu. Adama a nala, n tonuko da ukuna u mayun, aya Maku ma Kashila mi.”

*Atoni a Yesu a kagita*

35 An kain ka wansai, Yahaya pini n u lyuḅugusi ama kaḅolo n ama a re a asuvu a atoni a ne, 36 aku u wenei Yesu wa wala, u danai, “Maku ma Kondom ma Kashila ma gai na vi!”

37 An atoni a re yi a panai Yahaya danai nala, a tonoi Yesu. 38 An Yesu kpatalai u wenei a ka tono yi, u wece le, “Ndyā ya bolo?”

Aku a wushuki, “Rabbi,† nte va rongo?” (“Rabbi;” wata, “Kawenishiki.”)

<sup>39</sup> U wushunku le, “Tuwaj̄i i wene.” (A'ayin a nala yi evu n ulapa u uwule u nishi u da u kaara.) Aku a lazai n eyi a wenei asu vi, a rongoi pini hal kaara ka rukpai.

<sup>40</sup> Uza te a asuvu a atoni a re yi aya Andurawu utoku u Simo Bituru uza da a'ari tata u te. <sup>41</sup> Ili i'ya Andurawu gitai uyan i'ya u zamai utoku u ne vi u tonuko yi, “Tsu wene ta Kawauwi ka a yanka tsu kazuwamgbani ki!” (N Tsiyahuda a yanka ta manyan n “Kawauwi” kpam ili i'ya i te n udani u “Kirisiti” n Tsiheline.) <sup>42</sup> Aku Andurawu bidyai utoku u ne vi ubana ara Yesu.

Yesu kondono yi u danai, “Ada Simo, kala ka tata u vunu ka Yahaya. A ka isa vu ta Kefa.” (“Kefa” ili i te i'ya n “Bituru.”)\*

### *Yesu dangasai Filibu n Nataniya*

<sup>43</sup> An kain ka wansai, Yesu yawunsai u bana a Galili. Aku u ba u cinai Filibu, u tonuko yi, “Tono mu.”

<sup>44</sup> Besaida da ilyuci i Filibu, n ilyuci i Andurawu n Bituru. <sup>45</sup> Filibu ba u boloi Nataniya, aku u tonuko yi, “Tsu wene ta vuma da Musa korongi ukuna u ne a Mele mi. Kpam dem ntsumate n korongu ta ukuna u ne. Aya Yesu maku ma Isuhu, kpam ilyuci i ne i'ya Nazara.”

<sup>46</sup> Shegai Nataniya wece yi, “Ili i shinga i'a la ya wuta a Nazara?”

Filibu wushunku yi, “Tuwa vu wene.”

<sup>47</sup> An Yesu wenei Nataniya wa ra'a evu n eyi, aku u danai, “Eyi na matsikaya ma aza a Yahuda ma mayun ma. Uza maryafuka da wa.”

---

\* **1:42** Kalen ka a'ala a Kefa n Bituru ka “katali.”

<sup>48</sup> Nataniya wece yi, “Niɗa vu yansai vu reve mu?”

U wushunku yi, “Kahu Filibu isa vu, n wene vu ta a kulu ku maɗanga ma kapopi.”

<sup>49</sup> Aku Nataniya tonuko yi, “Kawenishiki, avu Maku ma Kashila ma. Ada Magono ma aza a Yahuda.”

<sup>50</sup> Yesu danai, “Wushuku da vu wushuki na mpa an n tonuko vu n wene vu ta a kulu ku maɗanga ma kapopi? Va wene ta ili i'ya i lai i naha ug-bonguro.”

<sup>51</sup> U tonuko le kpaɗ, “Mayun n tonuko da, Ya wene ta zuba u kukpa kpaɗ atsumate a zuba a Kashila n a yuwi n a cipi a zuba u Maku ma Vuma.”

## 2

### *Yesu zuwai mini ma wokoi mini ma cinwi*

<sup>1</sup> Pini nala, a kain ka tatsu, a ka yan abiki a iyolo a ilyuci i Kanan u Galili. Mma u Yesu wa ta dem pini a asu vi. <sup>2</sup> A libana ta dem Yesu n atoni a ne.

<sup>3</sup> An mini ma cinwi mi ma kotsoi, aku mma u Yesu u tonuko yi, “Mini ma cinwi mi ma kotso de.”

<sup>4</sup> Yesu wushunku yi, “Mma, ndya i zuwai va damgbaraɗa mu naha? Kotsu a'ayin a va a yan wa.”

<sup>5</sup> Mma u ne u tonukoi agbashi yi, “Yanyi gba ili i'ya u tonuko da i yain.”

<sup>6</sup> Caupa, Kashila ka naka ta aza a Yahuda mele tyoku da a ka yansa kuza. Adama a nala, aza a kuwa yi a'a ta na mmuru n mini n teli n da a shei a atali. Maru dem ma gbonguro ta hal ma fuda ta ma bidya evu na nlanda n mini n teli.

<sup>7</sup> Yesu tonukoi agbashi yi, “Shadangi mmuru mi n mini.” Aku a shadangi n da tipi-tipi.

<sup>8</sup> U tonuko le, “Gogo-na kenei i banka uzapige u abiki vi.”

Aku a yain tyoku da u tonuko le a yain. <sup>9</sup> An uzapige vi u pedei, aku u wenei ma gono de mini ma cinwi. U reve tani asu u da mini ma cinwi mi ma wutaɪ wa, shegai agbashi a da a tukoi ma vi a reve ta. Aku u isaɪ valisavu vi, <sup>10</sup> u tonuko yi, “Mini ma cinwi ma shinga ma a tsu gitā a tuko, a'ayin a da baci ama a sosoɪ, aku a tuko ma bawu ma cinai ma kagitā kayanyan. Shegai avu vu sokongu ta mini ma cinwi ma shinga mi she gogo-na!”

<sup>11</sup> A Kanan u Galili da Yesu yain ukunosavu u kagitā u ne. Nte da u wenikei pini tsupige tsu ne, k pam atoni a ne a wushuki n eyi.

<sup>12</sup> An nala wurai, aku u lazai ubana a ilyuci i Kafarnahum kaɓolo na mma u ne, n atoku a ne, n atoni a ne. A rongo ta pini a'ayin kenu.

*Yesu lokoi aza a tsilaga a Kuwa ku Kashila  
(Matiyu 21:12-13; Marku 11:15-17; Luka 19:45-46)*

<sup>13</sup> Yesu banai a Urishelima, kpaci a'ayin a Abiki a Upasambana a yan de evu. <sup>14</sup> An u uwai a Kuwa ku Kashila ki, aku u cinai aza a udengishe anaka, na nlala, na ntambara. U wenei aza da a tsu dusukusu a asu u iteburu i le n a savaɗasi ikebe icun kau-kau. <sup>15</sup> U zamai a'awun u cai kaban u yain kajaɓu. U lokoi ama yi pini a Kuwa ku Kashila ki, kaɓolo na nlala n le n anaka a le dem. U mutsukpusai iteburu i aza da a ka savaɗasa ikebe u wacinsai ikebe yi. <sup>16</sup> U tonukoi aza da a



ka dengishe ntambara, “Takpai ili i na yi pini na! Kotsu i gonuko kuwa ku Tata u va kuden wa!”

<sup>17</sup> An nala gitai, aku atoni yi a cibai n ili i'ya a korongi caupa a asuvu a Tagarada u Kashila: “Adama a uciga u da ma ciga kuwa ku vunu cika, u da wa zuwa mu n kuwa.” ◇

<sup>18</sup> Azapige a aza a Yahuda a wecei Yesu, “Ukunosavu u eni u da va yan tsara u wenike tsu tyoku da vu tsara ucira u uyan ili i na yi?”

<sup>19</sup> U wushunku le, “Wasai kuwa ku Kashila ku na ki, ma ma ta ka kpam a asuvu a a'ayin a tatsu.”

<sup>20</sup> A wushunku yi, “An a gitai kuma ku Kuwa ku Kashila ku na ki, a yan ta ayen amangare n a teli kahu a kotso ka! Nida va fuda va ma ka a asuvu a a'ayin a tatsu?” <sup>21</sup> Shegai an Yesu danai “kuwa ku Kashila ki,” ikyamba i ne i'ya wa dansaka. <sup>22</sup> A'ayin a da u tuwai u yangai a ukpa, da atoni yi a cibai u tonuko le ta ukuna vi. Aku a wushuki gba ili i'ya Yesu dansai n i'ya a korongusi a Tagarada u Kashila.

### *Yesu reve ta tyoku da ama a'ari*

<sup>23</sup> An Yesu wari a Urishelima adama a Abiki a Upasambana yi, ama ushani a wushuku ta n eyi kpaci a wene ta ikunesavu i'ya u yansai. <sup>24</sup> Yesu reve ta tyoku da atakasuvu a ama a'ari, adama a nala u wushuku u asanka le kaci wa. <sup>25</sup> Adama a da u revei atakasuvu a ama gba, she kpam uza u tonuko yi ukuna u roku a kaci ka uza wa, kpaci eyi n kaci ka ne u reve ta ili i'ya i'ari a asuvu a vuma.

---

◇ 2:17 Ishp. 69:9.

### 3

#### *Nikodimu tuwai ara Yesu*

<sup>1</sup> A asuvu a Asheshi a Pige yi, uza roku da pini uza da a ka isa Nikodimu, Kafarishi ka. <sup>2</sup> Kain ka te n kayin, u banai ara Yesu, u danai, “Uzapige, tsu reve ta Kashila ka ka suku vu ara tsunu vu wenishike tsu. Kpaci ko uza wa fuda wa yan ikunesavu tyoku da va yansa wa, shegai Kashila ka baci n eyi.”

<sup>3</sup> Yesu wushuki, “Mayun n tonuko vu, uza wa la wa uwa a tsugono tsu Kashila wa, she a doku a matsa yi ilimaci i ire.”

<sup>4</sup> Nikodimu wece yi, “Vuma u kutsa baci, nida wa kpam a ka doku a matsa yi? Wa doku kpam wa uwa a katsuma ka mma u ne wa. Nida a ka yan a matsa vuma ilimaci i ire?”

<sup>5</sup> Shegai u wushunku yi, “Mayun n tonuko vu, uza wa la wa uwa a tsugono tsu Kashila wa, she a matsa yi ilimaci i ire n mini n Kulu Keri. <sup>6</sup> Isheku i vuma alya a tsu zuwa ikyamba i vuma i tsara uma, shegai Kulu Keri ku Kashila ka ku tsu zuwa kulu ku vuma ku tsara uma. <sup>7</sup> Kotsu vu yain majiyan an n tonuko vu, ‘She a doku a matsa da ilimaci i ire wa.’ <sup>8</sup> Uwule u tsu lapana ta a asu u da dem wa ciga, kpam vu tsu pana ta mawura ma ne, shegai vu tsu reve asu u da u gitai ko kpam a asu u da wa bana wa. Nala dem wari Kulu Keri ku matsa baci vuma.”

<sup>9</sup> Nikodimu wece yi, “Nida wa yan u gitai nala?”

<sup>10</sup> U wushunku yi, “Avu kawenishiki ka ka pige a asuvu a Isara'ila. Nida vu yansai vu kpadai ureve ukuna u na? <sup>11</sup> Mayun n tonuko vu, ukuna u da tsu revei u da tsa dansa, kpam tsu yain kadyanshi

ka ili i'ya tsu wenei. Shegai i wushuku n ili i'ya tsu tonuko da wa. <sup>12</sup> N tonuko da ta ukuna u likimba naha, shegai i wushuku n kadyanshi ka va wa. Adama a nala, ya fuda ya wushuku na mpa n tonuko da baci ili i'ya i'ari a zuba wa. <sup>13</sup> Mpa Maku ma Vuma, mpa koshi n wutai a zuba n tuwai a likimba, kpam ma doku ma gono a zuba. <sup>14</sup> Tyoku da Musa saki kali ka urim u shili a kakamba, nala dem a ka saku Maku ma Vuma. <sup>15</sup> Adama a nala, uza da baci dem u wushuki n Maku ma Vuma, wa tsara ta uma u da bawu wa kotso.

<sup>16</sup> “Tyoku da Kashila ka cigai ama a likimba cika u da na: u neke ta Maku ma te ma ne koshi tsara uza da baci dem u wushuki n eyi kotsu u kuwa wa, shegai u tsara uma u da bawu wari n utyoku. <sup>17</sup> Kashila ka suku Maku ma ne a likimba tsara u kidaga ama ugana u ukpa wa. Shegai u suku yi ta tsara u wauwa le. <sup>18</sup> A ka kidaga aza da a wushuki n Maku mi ugana wa. Shegai a kidaga de aza da bawu a wushuki vi ugana, kpaci a wushuku n Maku ma te ma Kashila mi wa. <sup>19</sup> Ili i'ya i zuwai a ka kidaga le ugana i'ya na: Katyashi ka tuwa ta a likimba. Shegai a ciga katyashi ki wa, aku a gonoi a ka ciga karimbi, kpaci manyan ma cingi ma a ka yansa. <sup>20</sup> Aza da a ka yansa ukuna u cingi a tsu ciga katyashi wa, kpam a ka tuwa evu n ka wa, kpaci a ka ciga uza u wene manyan ma cingi ma a ka yansa wa. <sup>21</sup> Shegai aza da a ka tono ure u mayun a ka tono ta katyashi, ya dem wa wene ta a ka yansa ili i'ya Kashila ka ciga le a yain.”

*Yahaya Kalyubugi cikpalai Yesu*

<sup>22</sup> An a yain a'ayin kenu, Yesu n atoni a ne a banai ubongu u Yahuda, a tsar ta a barakpai pini kenu

n a lyuḅugusi ama. <sup>23-24</sup> A'ayin a nala yi kotsu a banka Yahaya a kuwa ku a'ali wa. Yahaya rongo ṭa ulyuḅugusu ama a Ayino evu n Salima, kpaci asu vi mini ma pini ushani. Ama a rongo ṭa ubansa ara ne cika tsara u lyuḅugu le. <sup>25</sup> Kananamgbani ka rukpa ṭa a mere ma atoni a Yahaya n uza u Yahuda u roku a kaci ka uwulukpe u ikyamba. <sup>26</sup> Aku a banai ara Yahaya, a danai, “Kawenishiki, vuma da vu cinai a kapashi ka Agata a Urudu vi, uza da vu danai Kawauwi ka vi, aya dem pini wa lyuḅugusu ama. Kpam ya dem nte wa bansa de, n u da a ka tuwa ara tsunu.”

<sup>27</sup> Aku Yahaya wushunku le, “Ili i'ya Kashila ka nakai vuma i'ya koshi wa tsara. <sup>28</sup> I panaka mu ta an n danai, ‘Mpa Kawauwi ki wa, shegai mpa Kashila ka suki n tuwa n lapula ure adama a ne.’ <sup>29</sup> Ukasavu u tsu bana ta a asu u da vali u ne wari. Kaje ka valisavu ka tsu pana ta kalagatsu ka valisavu ki, u yain kpam mazanga kabolo n eyi. Mpa kaje ka valisavu ka, kpam ma pana ta kayanyan cika an u lyai kaci ka ukuna. <sup>30</sup> U kana ta u lyai kapala n uwoko n tsupige, mpa kpam n woko uza u kenu.”

### *Uza da u wutai a zuba*

<sup>31</sup> Yahaya doki u danai, “Uza da u wutai a zuba u la ta ama gba tsupige. Uza da u wutai a likimba uza u likimba u da, kpam ukuna u likimba u da koshi u tsu rongo udansa. Shegai uza da u wutai a zuba vi u la ta ya dem tsupige. <sup>32</sup> U tsu yan ta kadyanshi a kaci ka ili i'ya u wenei kpam u panai, shegai ko uza u tsu wushuku n i'ya wa tono wa. <sup>33</sup> Uza da baci dem u wushuki n i'ya u danai, u wenike ta

an u wushuku t̄a la vi n ili i'ya Kashil̄a ka danai mayun ḏa. <sup>34</sup> Uza ḏa Kashil̄a ka suki vi, ukuna u Kashil̄a u ḏa u tsu dansa, kpaci Kashil̄a ka naḗa yi t̄a ucira u Kulu Keri gbende. <sup>35</sup> Tata vi u ciga t̄a Maku mi cika, adama a nala u naḗa yi t̄a ucira a kaci ka ili gba. <sup>36</sup> Aza ḏa a wushuki n Maku mi, a'a t̄a n uma u ḏa bawu wa kotso. Shegai aza ḏa bawu a ka panaḗa Maku mi, a ka tsar̄a uma wa. Asuvu a upan a Kashil̄a a'a t̄a a kaci ka le maco.”

## 4

### *Yesu dansai n uka u aza a Samariya*

<sup>1</sup> Afarishi a pana t̄a alabari an Yesu wa tsar̄asa atoni ushani hal a lai atoni a Yahaya kakuma, kpam n u lyuḅugusi le. <sup>2</sup> (Ko an u wokoi aya n kaci ka ne wa lyuḅugusu ama yi wa, atoni a ne a ḏa.) <sup>3</sup> An u revei Afarishi a pana t̄a ukuna vi, aku u lazai u asakaḗi Yahuda ugono a Galili.

<sup>4</sup> Ure vi u pasamgbana t̄a a uyamba u Samariya. <sup>5</sup> Eyi pini a nwalu a Samariya vi, aku u rawai a ilyuci i roku i'ya a ka isa Saika, asu vi u ɓar̄akpa n kashina ka Yakubu naḗaḗi maku ma ne Isuhu wa. <sup>6</sup> Ilyukoi i Yakubu i'a t̄a pini. N kaara a kaci, an Yesu wowoi cika, kpaci u yan t̄a nwalu ma mbari, aku u dusuki a ikengi i ilyukoi yi.

<sup>7-8</sup> A'ayin a ḏa atoni a ne a banai a asuvu a ilyuci tsar̄a a tsila ilikulya, aku uka u aza a Samariya u roku u tuwai ukene mini. Yesu folo yi, “Ne mu mini n soi.”

<sup>9</sup> Uka vi u yan t̄a majiyan cika, kpaci aza a Yahuda a 'yuwan t̄a ili i'ya ya gawan le n aza a Samariya. Aku u tonuko yi, “Avu uza u aza a

Yahuda ɗa, mpa kƙam uka u aza a Samariya ɗa mari. Nɗya i zuwai va folo mu mini?”

<sup>10</sup> U wushunku yi, “Vu reve ili i'ya Kashila ka ciga ka naka vu wa, kƙam vu reve uza ɗa wari vu a ufolo mini ma uso mi wa. A da baci wari vu revei, wari va folo mu ta mini ma ma naka uma.”

<sup>11</sup> Uka vi u danai, “Uzapige, va gban n ili i ukenike mini wa, kƙam ilyukoi yi i'a ta lyungulyungu. Nte va tsara mini ma ma naka uma vi?”

<sup>12</sup> Akaya a tsunu Yakubu ɗa gavuga tsu ilyukoi i na yi, eyi n aza a kuwa a ne na nnama n kuwa n le a soso ta pini mini. Avu la Yakubu tsupige ɗa?”

<sup>13</sup> U wushuki, “Uza ɗa baci dem u soi mini ma na mi, wa doku ta wa pana kakuli. <sup>14</sup> Shegai aza ɗa a ka so mini ma ma naka le vi, a ka doku a ka pana kakuli wa. Mini ma ma naka le vi ma woko ta tyoku u keshi ka mini a asuvu a le. Mini ma nala mi ma naka le ta uma u da bawu wa kotso.”

<sup>15</sup> Uka vi u tonuko yi, “Uzapige, ne mu mini ma nala mi n soi, tsara n doku n pana kakuli wa. Kotsu n doku n gono a asu u ilyukoi i na yi ukene u mini wa.”

<sup>16</sup> U tonuko yi, “Wala ba vu isa vali u vunu i tuwa kabolo n eyi.”

<sup>17</sup> Uka vi u wushuki, “Mari n vali wa.”

U wushunku yi, “Mayun ɗa an vu danai wari n vali wa. <sup>18</sup> Vu bansa ta a'ali a tawun iyolo, kƙam uza ɗa wari kabolo n eyi gogo-na vi, vu yan iyolo n eyi wa. Ukuna u ɗa vu tonuko mu vi mayun ɗa.”

<sup>19</sup> Uka vi u danai, “Uzapige, n reve ta avu matsumate ma. <sup>20</sup> Isheku i va i gbashika ta Kashila a Masasa ma Gerizim, shegai eda aza a Yahuda i da Urishelima ɗa koshi asu u ulya kayala.”

<sup>21</sup> U tonuko yi, “Uka, wushuku na mpa, a'ayin a ka tuwa ta a da bawu ama a ka lyaka Tata kayala ko a masasa ko kpm a Urishelima. <sup>22</sup> Eda aza a Samariya kenu da i revei a kaci ka uza da ya lyaka kayala. Atsu kpm aza a Yahuda tsu reve ta ukuna ushani a uza da tsa lyaka kayala, kpaci Kashila ka sukunku ta ama iwauwi a kukere ku aza a Yahuda. <sup>23</sup> A'ayin a ka tuwa ta, mayun gbam a da a rawa de, a da Kulu Keri ka zuwa ama a lyaka Tata kayala tyoku da wari mayun. Tyoku da Tata wa ciga ama a lyaka yi kayala da la vi. <sup>24</sup> Kashila kulu ka, kpm u kana ta ama a lyaka yi kayala a asuvu a kulu ku le tsara a lyaka yi kayala dere.”

<sup>25</sup> Uka vi u danai, “N reve ta Kawauwi ka tuwa ta, aya a tsu isa Kirisiti. A'ayin a da baci u tuwai, wa todfbusuko tsu ta ili dem.”

<sup>26</sup> U wushunku yi, “Mpa uza da gai ma dansa n avu na vi, mpa vuma u nala vi.”

### *Atoni a gonoi a asu u ilyukoi*

<sup>27</sup> Kute-kute, atoni a Yesu yi a gonoi. A yan ta majiyan cika an a cina yi wa dansa n uka. Shegai ko uza u wece uka vi, “Ndya va ciga?” wa, ko kpm a weci Yesu, “Nida va dansa n eyi?” wa.

<sup>28</sup> Uka vi u asakai malanda ma mini ma ne, u laza a ubana a ilyuci yi u tonukoi ama ukuna vi, u danai, <sup>29</sup> “Tuwai i wene vuma da u tonuko mu gba ili i'ya n yansai! Ko wa yan aya Kawauwi ki?”

<sup>30</sup> Aku a wutai a ilyuci yi a ba a cinai Yesu.

<sup>31</sup> An a'ari pini uyan nala, aku atoni a ne a tonuko yi, “Kawenishiki, yan ahankuri tsa vu lyai ili i roku.”

<sup>32</sup> Shegai u tonuko le, “Mā tā n ilikulya i'ya bawu i revei n i'ya.”

<sup>33</sup> Aku atoni yi a ka wecemgbene n a dansi, “Uza roku u tuko yi ilikulya da?”

<sup>34</sup> U wushunku le, “Ilikulya i vā i'ya n yain manyan ma uza da u suku mu wa ciga mu n yain, kpam n kotso ma. <sup>35</sup> I'ā tā n tsizagadi tsa tsu danai, 'Twoto i nishi i wura baci, da ama a tsu kapa ilya.' Shegai n tonuko dā webelei mai, ya wene tā ilya i gewe de ya ciga ukapa. <sup>36</sup> N gogo-na naha, uza da wa kapa vi wa tsarasā de katsupi ka ne, kpam wa cirangusu de ili i'ya u kapai vi adama a uma u da bawu wa kotso. Uza da u cei n uza da u kapai vi a ka zangan̄a tā kabolo. <sup>37</sup> Tsizagadi tsu na tsi mayun da, 'Uza u naha u cei, uza u nide kpam u kapai.' <sup>38</sup> N suku dā tā i kapi ilya i'ya bawu i yain manyan ma le. Ama roku a da a gitai manyan mi, aku edā kpam i koruso ma.”

### *Aza a Samariya ushani a wushuki*

<sup>39</sup> Aza a Samariya ushani a ilyuci yi a wushuku tā n Yesu adama a ukuna u na u da uka vi u tonuko le: “U tonuko mu tā gbā ili i'ya n yansai.” <sup>40</sup> An aza a Samariya a tuwai ara Yesu, a folo yi u cipa ara le, aku u doki u dusuki pini a'ayin a re. <sup>41</sup> Pini nala, aza roku ushani a doku a wushuki adama a ili i'ya u danai.

<sup>42</sup> A tonukoi uka vi, “A kagitā tsu wushuku tā n Yesu adama a ili i'ya vu tonuko tsu, shegai gogo-na tsu wushuku tā adama a da tsu panaka yi n kaci ka tsunu. Tsu reve tā vuma u na vi aya Kawauwi ka likimba.”



*Yesu tanasai maku ma uzapige  
(Matiyu 8:5-13; Luka 7:1-10)*

<sup>43</sup> An a'ayin a re a wurai, aku Yesu lazai ubana a kaƙon ka Galili. <sup>44</sup> (Wari u dana ta caupa ama a tsu wushuku n matsumate a ilyuci i ne wa.) <sup>45</sup> An u rawai a Galili, ama yi a ryabusa yi. Adama a da a wene ta gba ili i'ya u yansai de a'ayin a Abiki a Upasambana a Urishelima, kpaci a'a ta dem pini a asu vi.

<sup>46</sup> Yesu pini a Galili, aku u gonoi a ilyuci i Kanan a asu u da u gonukoi mini ma wokoi mini ma cinwi. A ilyuci i Kafarnahum, uzapige u roku da pini uza da maku ma ne mari n maƙala. <sup>47</sup> An u panai a da Yesu wuta ta a Yahuda u tuwai a Galili, aku u banai ara ne u folo yi u tuwa a Kafarnahum u tanasa maku ma ne, kpaci maku mi ma ta a una u ukpa.

<sup>48</sup> Yesu wushunku yi, “Uza wa la a asuvu a de wa wushuku wa, she u wene iryoci n ikunesavu.”

<sup>49</sup> Uzapige vi u danai, “Kawenishiki, tuwa a kuwa ku va kahu maku ma va ma kuwa.”

<sup>50</sup> U wushuki, “Wala vu gono a kuwa. Maku ma vunu ma yan ta uma.”

Vuma vi u wushuki n ili i'ya Yesu tonuko yi, aku u lazai ugono a kuwa. <sup>51</sup> Eyi pini a nwalu a ugono, aku u gawunsai n agbashi a ne a roku, a tonuko yi, “Maku ma vunu ma tana de!” <sup>52</sup> U wece le a'ayin a da maku mi ma tana. A wushunku yi, “Maƙala mi ma asaka yi ta nayain dere u ulapa u uwule u iyan u kaara.”

<sup>53</sup> Aku tata vi u revei derere u a'ayin a nala yi a da Yesu danai, “Maku ma vunu ma yan ta uma.”

Pini nala, vuma vi n ama da a'ari a kuwa ku ne a wushuki n Yesu.

<sup>54</sup> Ukunosavu u ire u da la vi u da Yesu yain an u asakai Yahuda u rawai a Galili.

## 5

### *Yesu tanasqi kawunu*

<sup>1</sup> An nala wurai, Yesu lazai ubana a Urishelima a asu u abiki a aza a Yahuda. <sup>2</sup> A Urishelima vi, kadaka ka mini ka pini evu n Utsutsu u Ncon u da a ka isa Betesida n Tsi'arama. A kyawan ta ka n afalaka a tawun. <sup>3</sup> Aza a mabala ushani a tsu vakusu ta pini evu n mini mi. Aza roku arumba a da, aza roku awunu, n aza da ili i soi. [A'ari a uvana mini mi ma vura, <sup>4</sup> kpaci gaawan katsumate ka zuba ka tuwa ta ka vura ma. Uza da baci u gitai pini u'uwa a'ayin a da mini mi ma vurai vi wa tana ta.]\* <sup>5</sup> Vuma roku u da pini nvain a asu vi, uza da u yain ayen kamankupa n kulla n mabala. <sup>6</sup> Yesu wene yi nvain, aku u revei vuma vi u barakpa ta nvain n mabala mi. Aku u wece yi, "Va ciga vu tana?"

<sup>7</sup> Vuma vi u wushuki, "Uzapige, ma n uza da wa banka mu a mini mi wa, a vura baci ma. A'ayin a da baci ma ra'a evu n mini mi, aku uza roku u lasa mu."

<sup>8</sup> Yesu tonuko yi, "Yanga vu bidya kajiba ka vunu vu wala." <sup>9</sup> Kute-kute vuma vi u tana. U bidyai kajiba ka ne u gitai nwalu.

N kain ka Ashibi ka ukuna vi u gitai. <sup>10</sup> An azapige a aza a Yahuda a wenei vuma vi u cangai

---

\* **5:4** Akorongi a cau ushani aza da a purai a tagarada u Yahaya a kalatsa ta mkpanda n 3a-4.

kajiba ka ne, aku a tonuko yi, “Kain ka Ashibi ka! Mele ma bishinka ta a canga kajiba n kain ka Ashibi.”

<sup>11</sup> U wushunku le, “Vuma da u tansa mu vi aya u tonuko mu, ‘Bidya kajiba ka vunu vu wala.’ ”

<sup>12</sup> A wece yi, “Ya uza da u tonuko vu vu yain nala vi?”

<sup>13</sup> Shegai u fuda u reve uza da u tansa yi vi wa, kpaci ama da pini ushani a asu vi k pam cina Yesu laza de n kabini.

<sup>14</sup> A'ari pini, aku Yesu cinai vuma vi a Kuwa ku Kashila, u tonuko yi, “Vu tana de gogo-na. Asaka uyansa unyushi u cingi kotsu ili i'ya i lai i na i gita n avu wa.” <sup>15</sup> Aku vuma vi u lazai u banai u tonukoi azapige yi Yesu da tansa yi.

<sup>16</sup> Adama a nala, azapige a aza a Yahuda a gitai uraga Yesu adama a da u yain ili i nala n kain ka Ashibi. <sup>17</sup> Yesu tonuko le, “Manyan ma Tata u va u tsu rongo uyansa maco, nala dem mpa.” <sup>18</sup> Adama a nala, azapige yi a matsai tsara a wuna yi adama a da u kpa dai utono mele ma Ashibi. Hal gai an u korusoi u danai Kashila ka Tata u ne, u da u zuwa yi u wokoi una u te n Kashila.

### *Tata nakai Maku mi ucira*

<sup>19</sup> Yesu danai, “Mayun n tonuko da, Maku mi ma yan ukuna utyoku u ne wa. Ili i'ya u wenei Tata u ne u yain i'ya koshi u tsu yan. Ili i'ya dem Tata vi u yain i'ya Maku mi dem ma tsu yan. <sup>20</sup> Tata vi u ciga ta Maku mi, k pam u wenike yi ta gba ili i'ya u tsu yansa. U tsu wenike yi ta ili i pige i pige i'ya i lai i na tsara i yain majiyan gba de. <sup>21</sup> Maku mi ma tsu naka ta aza da u dangasai uma tyoku da Tata vi 'yangasa le a ukpa u naka le k pam uma.

<sup>22</sup> Tata vi u tsu kidāga uza ugana wa, shegai u zuwai Maku ma ne ma woko uza da wa kidāga ya dem ugana. <sup>23</sup> Tata vi u ciga tā ama a naḳa Maku mi tsupige tyoku da a tsu naḳa yi tsupige. Uza u 'yuwan baci unāḳa Maku mi tsupige, u 'yuwan dem de la vi unāḳa Tata da u suku yi vi tsupige.

<sup>24</sup> “Mayun n tonuko da, uza da baci dem u panai ili i'ya n danai, kpam u wushuki n uza da u suku mu, wa tā n uma u da bawu wa kotso. Vuma u nala vi a ka kidāga yi ugana wa, shegai u pasa de ukpa ubana uma u da bawu wa kotso. <sup>25</sup> Mayun n tonuko da, a'ayin a ka tuwa tā hal gbam a da a rawa de a da akushe a ka pana kalagatsu ka va, mpa Maku ma Kashila, aza da a panai ka vi a ka tsara tā uma. <sup>26</sup> Tata vi wa tā n ucira u da wa naḳa uma, kpam u naḳa tā dem Maku mi ucun u ucira u nala vi. <sup>27</sup> U naḳa tā dem Maku mi ucira u kidāga ya dem ugana, kpaci aya Maku ma Vuma.

<sup>28</sup> “Kotsu i yain majiyan adama a ukuna u na vi wa: A'ayin a ka tuwa tā a da akushe a da a'ari a asaun a le gba a ka pana kalagatsu ka ne. <sup>29</sup> Aku a wuta a asuvu a asaun a le. Aza da a yain ili i shinga a ka 'yanga tā a yain uma, aza da kpam a yain tsicingi a ka 'yanga tā aku a kidāga le ugana.

### *Yesu Maku ma Kashila ma*

<sup>30</sup> “N tsu yan ili adama a kaci ka va wa. Tata u da u suku mu aya u tonuko mu tyoku da ma kida ugana. N tsu kida tā ugana derere, kpaci n tsu yan tā ili i'ya i tsu zuwa yi u pana kayanyan, n tsu yan ili i'ya ya zuwa mu n pana kayanyan wa.

<sup>31</sup> “A da baci mpa koshi n tsu dansa ukuna u kaci u va, uza wari wa wushuku n kadyanshi ka

vā wa. <sup>32</sup> Shegai uza roku u dā pini uza dā wa dansa ukuna u vā, kpam n reve tā gbā ili i'ya u dansai a kaci ka vā mayun dā. <sup>33</sup> I suku tā atsumate ara Yahaya, kpam u tonuko le tā ukuna u mayun a kaci ka vā. <sup>34</sup> Shegai udani u vuma u dā n pityanangi n u dā wa, ko an u wokoi n cibuga dā ukuna u kadyanshi ka Yahaya tsarā i tsarā iwauwi. <sup>35</sup> Yahaya rongo tā n katyashi tyoku u macikalu ma a sapai, kpam i pana tā kayanyan ka katyashi ka ne a a'ayin kenu.

<sup>36</sup> “Shegai ili i roku i'ya pini i'ya i lai i Yahaya ugbonguro i'ya i wenikei ukuna u maci a kaci ka vā. Ili i'ya Tata u nākā mu n yain i'ya ma dansāka! Ili i na yi i wenike tā an Tata u dā u suku mu. <sup>37</sup> Tata u dā u suku mu vi dem u yan tā kadyanshi a kaci ka vā, shegai i pana kalagatsu ka ne ko kpam i wene yi wa. <sup>38</sup> Udani u ne vi u dusuku a atakasuvu a dē wa, kpaci i wushuku n uza dā u suki vi wa. <sup>39</sup> I tonu tā Tagarāda u Kashilā mai kpaci ya wundya tā nte ya tsarā pini uma u dā bawu wa kotso, kpam Tagarāda u nala vi mpa wa dansāka! <sup>40</sup> Shegai i 'yuwan tā utuwā ara vā tsarā n nākā dā uma u dā bawu wa kotso vi.

<sup>41</sup> “Icikipali i ama i'ya ma ciga wa. <sup>42</sup> N reve dā tā, ko uza wā la wa ciga Kashilā wa. <sup>43</sup> N tuwā tā a asuvu a kala ka Tata u vā, i wusha mu wa. Shegai i gonoi ya wusha ama dā a ka tuwusā adama a kaci ka le. <sup>44</sup> I tsu ciga tā icikipali a asu u atoku a dē, shegai i tsu dambula i zami icikipali i Kashilā wa. Nīdā ya wushuku nā mpa?

<sup>45</sup> “Kotsu i wundi yavu mpa ma sapula dā a asu u Tata wa, Musa dā wa sapula dā! Ko an u wokoi aya uza dā i zuwai uma wa bāngā dā. <sup>46</sup> Musa

korongu t̄a ukuna u maci a kaci ka va, i wushuku baci n Musa, u gan t̄a dem i wushuku n̄a mpa. <sup>47</sup> I wushuku baci n ili i'ya Musa korongi wa, nida ya fuda ya wushuku n ili i'ya n danai?"

## 6

*Yesu lyatangi ama azu a tawun*

*(Matiyu 14:13-21; Marku 6:30-44; Luka 9:10-17)*

<sup>1</sup> An ukuna u nala u wurai, Yesu lazai ubana a upashi u Kushiva ku Galili (ka dem a ka isa Kushiva ku Tibariya.) <sup>2</sup> Kakuma ka ama ushani ka tonu yi kpaci a wene yi t̄a wa yansa ikunesavu an wa tanasasa aza a m̄bala.

<sup>3-4</sup> Kpam a'ayin a Abiki a Upasamgbana a aza a Yahuda a yan de evu, aku Yesu banai a masasa n atoni a ne a dusuki. <sup>5</sup> An Yesu wenei kakuma ka ama ka tuwa ara ne, aku u wecei Filibu, "Nte tsa tsara iburodi i'ya tsa lyatangu ama a na yi?" <sup>6</sup> (Wece da u wece yi tsara u kondo yi, kpaci u reve t̄a ili i'ya wa ciga u yain.)

<sup>7</sup> Filibu wushuki, "Ikebe i manyan ma uwoto kulla\* ma fuda ma tsila iburodi i'ya ya dem wa tsara kajibi pini na wa."

<sup>8</sup> Katoni ka ne ka roku uza da a ka isa Andurawu utoku u Simo Bituru, u danai, <sup>9</sup> "Kalobo ka roku ka na ka kari n iburodi i kenu i kenu† i tawun n adan a re. Shegai a da a ka rawa kakuma ka ama ka na ki wa."

---

\* **6:7** Akorongi a cau a cau a kagita a korongu t̄a "ikebe i azurufa 200." Kondo "Ikebe i azurufa" a kaci ka idani ka "Ikebe" a Idani i U6anga. † **6:9** A'ayin a nala yi aza a unambi a tsu yan t̄a burodi n ilya i'ya i rotsoi ityabi.

<sup>10</sup> Yesu danai, “Tonukoi ama yi a dusuku.” Asu vi k<sub>p</sub>am w<sub>a</sub> t<sub>a</sub> n mete ushani, k<sub>p</sub>am ama evu n azu a tawun (5,000) a'ali a dusuki pini. <sup>11</sup> U bidyai iburodi yi u cikpai Kashila. Aku u n<sub>a</sub>k<sub>a</sub>i aza da a'ari pini ndishi evu n eyi. Nala k<sub>p</sub>am dem u yain n adan yi, hal ya dem cuwai.

<sup>12</sup> An ya dem takumai, aku u tonukoi atoni a ne, “Cirangi abuw<sub>i</sub> a da a buwai vi. Tsa yanka a da koli wa.” <sup>13</sup> A cirangi abuw<sub>i</sub> a iburodi a da a buwai vi hal mbana kupa n<sub>a</sub> n re. <sup>14</sup> An ama yi a wenei ukunosavu u da Yesu yain, aku a danai, “Maken ma la wa, aya gai Matsumate ma a dangasai ma tuwa a likimba vi.” <sup>15</sup> Yesu reve ta ama a fo<sub>o</sub>uso ta a tuwa a bidya yi n ucira a gonuko yi magono ma le, aku u lazai n kabini u banai a masasa utyoku u ne.

*Yesu walai a zuba u mini  
(Matiyu 14:22-33; Marku 6:45-52)*

<sup>16</sup> An kaara ka rukpai, atoni a Yesu a banai a kushiva. <sup>17</sup> A uwai a kpatsu a ka pasa kushiva ubana a Kafarnahum. An karimbi ka yain, Yesu tani kotsu u tuwa a asu u le wa. <sup>18</sup> Kute-kute uwule u ucira wa lapana hal u 'yangasai a<sub>o</sub>bali a pige pini a kushiva ki. <sup>19</sup> An atoni yi a walakai kpatsu ki ubana a mere ma kushiva,<sup>†</sup> aku a wenei Yesu utuwa a zuba u mini. U gitai ura<sub>o</sub>a evu n kpatsu ki, aku a panai uwonvo cika. <sup>20</sup> U tonuko le, “Mpa, kotsu i pana uwonvo wa.” <sup>21</sup> Pini nala, a wushuki

---

<sup>†</sup> **6:19** Tagarada dana ta “mel u tatsu ko u nishi” cinda Kushiva ku Galili ki upeti u ne mel u shindere da ugadi k<sub>p</sub>am mel kupa n u re, atoni yi a mere ma Kushiva ma a'ari. Mel u tatsu ko u nishi, ili i'ya i te n kilomita u tawun ko u teli.

a uka yi pini a kpatsu ki. Kute-kute kpatsu ki ku rawai a asu u da a ka ciga a bana.

<sup>22</sup> An kain ka wansai, aza da a buwai a upashi u kushiva vi, a reve ta kpatsu ku te ki ka koshi ku buwai de. A reve ta kpam Yesu uwa ka u tono atoni a ne wa, atoni yi a da a lazai koshi bawu eyi. <sup>23</sup> A'atsu ushani a wuta ta a ilyuci i Tibariya a rawai evu n asu u da Asheku a cikpai Kashila n iburodi i'ya ama yi a takumai vi. <sup>24</sup> An kakuma ki ka wenei Yesu wa kpam pini a asu vi wa, atoni a ne dem a'a pini wa, aku a uwai a'atsu ubana a Kafarnahum tsara a boli le.

*Yesu da ilikulya i'ya i tsu naka uma*

<sup>25</sup> An a rawai a wene yi, aku a wece yi, “Kawenishiki, nwere da vu tuwai pini na?”

<sup>26</sup> Yesu wushunku le, “Mayun n tonuko da, i'a mu ta uzama adama a da i takumai burodi i cuwai, shegai adama a kalen ka ikunesavu i va i'ya i wenei wa. <sup>27</sup> Kotsu i zuwa ucira adama a da ya tsara ilikulya i'ya ya namgba wa, shegai i zuwa ucira a ilikulya i'ya ya naka uma u da bawu wari n utyoku. Ilikulya i'ya Maku ma Vuma ma naka da i'ya gai na vi, kpaci aya Kashila Tata u wushunki u yain nala.

<sup>28</sup> Aku a wece yi, “Ndya Kashila ka ciga tsu tsu yain?”

<sup>29</sup> U wushunku le, “Ili i'ya Kashila ka ciga da i yain i'ya na: Wushuki n uza da u suki.”

<sup>30</sup> Aku a danai, “U kana ta vu wenike tsu ukunosavu, va ciga baci tsu wushuku n avu. Ndya va yanka tsu? <sup>31</sup> Isheku i tsunu a takuma ta mana† a kakamba. A korongu ta ukuna u na vi a



Tagarāda u Kashilā: ‘Musa naka le ta ilikulya i'ya i wutai a zuba tsara a lyai.’ ◇ ”

<sup>32</sup> U tonuko le, “Mayun n tonuko da, Musa da naka da ilikulya i'ya i wutai a zuba vi wa. Tata u va u da uza da wa naka da ilikulya i mayun a zuba.

<sup>33</sup> Kpam ilikulya i'ya Kashila ka tsu naka vi i'ya gai i wutai a zuba i nakai ama a likimba uma vi.”

<sup>34</sup> Ama yi a danai, “Uzapige, nakasa tsu ilikulya i na yi kain dem.”

<sup>35</sup> Aku u danai, “Mpa ilikulya i'ya i tsu naka uma. Uza da baci dem u tuwai ara va wa pana kambulu wa, uza da kpam u wushuki na mpa, wa pana kakuli wa. <sup>36</sup> Mari n tonuko da de, n da i wene mu ta, shegai i wushuku na mpa wa. <sup>37</sup> Tata vi u tsu naka mu ta ama a va. Ya dem a asuvu a le wa tuwa ta ara va, mpa kpam ma loko yi wa, ko kenu. <sup>38</sup> N wuta ta a zuba n tuwai tsara n yain ili i'ya Kashila ka ciga mu n yain, shegai adama a ili i'ya mpa ma ciga wa. <sup>39</sup> Ili i'ya uza da u suku mu vi wa ciga n yain i'ya na: Kotsu ko uza u te a asuvu a aza da u naka mu vi u puwan wa, shegai n 'yangasa le gba kain ka makorishi. <sup>40</sup> Aza da a wenei Maku mi kpam a wushuki n eyi, a ka tsara ta uma u da bawu wa kotso, kpam ma 'yangasa le ta kain ka makorishi. Ili i'ya Tata u va wa ciga i'ya gai la vi.”

<sup>41</sup> Ama a gitai tsali a kaci ka ne, an u danai, “Mpa ilikulya i'ya i wutai a zuba.”

<sup>42</sup> A danai, “Yesu da na vi maku ma Isuhu. Tsu reve ta tata na mma u ne. Nida wa dana, ‘A zuba u da n wutai?’”

<sup>43</sup> U wushunku le, “Asakai uyan tsali. <sup>44</sup> Tata da u suku mu. Uza wa la wa tuwa ara va wa, she

◇ 6:31 Uwt. 16:4, 15.

Tata vi u tuko yi, k<sub>p</sub>am ma 'ya<sub>ng</sub>a<sub>s</sub>a ta vuma u nala vi kain ka makorishi. <sup>45</sup> Ntsumate n korongu ta, 'Kashila ka wenishike le ta gba le.' ◇ Gba uza da baci u panakai Tata k<sub>p</sub>am u rotsongusi ili i'ya wa wenishike, wa tuwa ta ara va. <sup>46</sup> Uza wa la u wenei Tata vi wa, she mpa uza da Kashila ka suki, mpa koshi n wene yi. <sup>47</sup> Mayun n tonuko da, uza da baci u wushuki na mpa wa ta n uma u da bawu wari n utyoku. <sup>48</sup> Mpa ilikulya i'ya i tsu naka uma. <sup>49</sup> Isheku i de i takuma ta mana a kakamba, gba n nala a kuwusai. <sup>50</sup> Ilikulya i'ya i wutai a zuba i'ya na. Uza da baci dem u lyai ilikulya i na yi wa kuwa wa. <sup>51</sup> Mpa gai ilikulya i'ya i tsu naka uma vi, i'ya i wutai a zuba. Uza da baci dem u lyai i'ya, wa tsara ta uma u da bawu wari n utyoku. Ilikulya i'ya ma naka da vi ikyamba i va i'ya, i'ya ma naka ama a likimba a tsara uma."

<sup>52</sup> Aku aza a Yahuda a gitai kananamgbani utyoku u le, "Nida vuma u na wa naka tsu ikyamba i ne tsu takuma?"

<sup>53</sup> U tonuko le, "Mayun n tonuko da, i takuma baci ikyamba i Maku ma Vuma k<sub>p</sub>am i soi mpasa n ne wa, ya tsara uma vi wa. <sup>54</sup> Uza da u takumai ikyamba i va k<sub>p</sub>am u soi mpasa n va, wa tsara ta uma u da bawu wari n utyoku, k<sub>p</sub>am ma 'ya<sub>ng</sub>a<sub>s</sub>a yi ta kain ka makorishi. <sup>55</sup> Ikyamba i va ilikulya i maci i'ya, mpasa n va k<sub>p</sub>am ili i uso i maci i'ya. <sup>56</sup> Uza da u takumai ikyamba i va k<sub>p</sub>am u soi mpasa n va, wa ta kabolo na mpa, mpa k<sub>p</sub>am ma ta kabolo n eyi. <sup>57</sup> Tata uza u uma, aya u suku mu, k<sub>p</sub>am adama a ne a da mari n uma. Uza da baci dem u takumai ikyamba i va, wa tsara ta

---

◇ 6:45 Isha. 54:13.

uma a adama a va. <sup>58</sup> Mpa ilikulya i'ya i wuta<sub>i</sub> a zuba. Uza da baci dem u lyai i'ya, wa tsara<sub>i</sub> ta<sub>i</sub> uma bawu utyoku, kpam wa kuwa<sub>i</sub> tyoku da isheku i de i kuwai wa, ko an u wokoi a takumai mana.” <sup>59</sup> Yesu dansa ta<sub>i</sub> ikuna i na yi eyi n u wenishiki a kagata ka Kashila<sub>i</sub> a Kafarnahum.

*Atoni ushani a asakai utono Yesu*

<sup>60</sup> An atoni a Yesu a panai nala, aku a danai, “Ukuna u na vi u wuyana ta<sub>i</sub> ureve. Ya wa wushuku n u da?”

<sup>61</sup> Yesu reve ta<sub>i</sub> atoni a ne a ka yan tsali, aku u wece le, “Ukuna u na vi u balala da da? <sup>62</sup> Nida ya yawunsa a'ayin a da baci i wenei mpa Maku ma Vuma ugono a zuba? <sup>63</sup> Kulu ka ku tsu naka<sub>i</sub> uma u da bawu wari n utyoku. Ucira u vuma wa fuda wa yan ili wa. Kadyanshi ka n tonuko da ka zuwa da ta<sub>i</sub> i tsarai Kulu Keri ku Kashila<sub>i</sub> ka ku tsu naka<sub>i</sub> uma. <sup>64</sup> Shegai aza roku a asuvu a de a wushuku wa.” (Yesu wari u gita<sub>i</sub> ta<sub>i</sub> u revei aza da a ka 'yuwan uwushuku n uza da wa neke yi.) <sup>65</sup> U danai, “Adama a nala n tonuko da, ‘Tata u tuko baci uza ara va wa, wa fuda wa tuwa wa.’ ”

<sup>66</sup> Adama a kadyanshi ka Yesu yain, atoni a ne ushani a kpatalaka yi ta<sub>i</sub> kucina<sub>i</sub> a asaka<sub>i</sub> yi utono.

<sup>67</sup> Aku u wecei Kupanamere, u danai, “Eda dem ya laza da?”

<sup>68</sup> Simo Bituru wushuki, “Asheku, ara yai da tsa laza ubana? Va ta<sub>i</sub> n kadyanshi ka ka naka<sub>i</sub> uma u da bawu wari n utyoku. <sup>69</sup> Tsu wushuku ta<sub>i</sub> kpam tsu reve ta<sub>i</sub> ada Uza u Uwulukpi u Kashila<sub>i</sub>.”

<sup>70</sup> U danai, “N dangasa da ta<sub>i</sub> Kupanamere. Shegai uza u te Kalapansi ka!” <sup>71</sup> Yahuza maku ma Simo Isikariyoti da wa dansaka. Aya wa tuwa wa

neke yi, ko an u wokoi eyi dem wā tā a asuvu a Kupanamere yi.

## 7

### *A'angu a Yesu a wushuku n ili i'ya u danai wa*

<sup>1</sup> An nala u wurai, Yesu kyawunsai gba kaḅon ka Galili. Wa ciga u wala a kaḅon ka Yahuda wa, kpaci azapige a aza a Yahuda a ḁa pini a ka ciga a wuna yi.

<sup>2</sup> Evu n a'ayin a Abiki a Atani a aza a Yahuda† a ḁa. <sup>3</sup> Aku a'angu a Yesu a banai ara ne a danai, “*Asaka* asu u na vi vu bana a Yahuda tsara atoni a vunu a nide yi dem a wene ikunesavu i'ya va yansa. <sup>4</sup> Uza ḁa baci dem wa ciga u zuwa ama a reve yi, u tsu sokongu ili i'ya u tsu yansa wa. Aḁa baci va yansa ili i na yi, wenike kaci ka vunu a likimba.” <sup>5</sup> Ko a'angu a ne dem a wushuku n eyi wa.

<sup>6</sup> Yesu wushunku le, “A'ayin a ḁa ma bana vi kotsu a yan wa, shegai eḁa ya fuḁa tā ya bana ko nwere ḁa baci. <sup>7</sup> Ama a likimba a na a ka kovo ḁa wa, mpa a ka kovo, kpaci n tsu tonuko le tā ikuna i cingi i'ya a ka yansa. <sup>8</sup> Walai ubana a asu u abiki vi. Mpa kotsu n fobuso ubana ḁe wa, kpaci a'ayin a ḁa ma bana ḁe kotsu a yan wa.” <sup>9</sup> An u danai nala, aku u shamgbai pini a Galili.

### *Yesu wenishikei a Kuwa ku Kashila*

<sup>10</sup> An a'angu a Yesu a lazai ubana a asu u abiki vi, aku Yesu banai dem, shegai ukpawunsi u ḁa u banai. <sup>11</sup> Azapige a aza a Yahuda a ka ciga a wene yi pini a asu u abiki vi, a rongoi a uwecishike, “Nte wari?”

<sup>12</sup> Pini a asuvu a kakuma ki, ama ushani a ka dansa n tsubini a kaci ka Yesu, aza roku a danai, “Vuma maci da.”

Aza roku kpam a ka dansa, “Kaƙan ka wa yansaƙa ama.”

<sup>13</sup> Shegai ko uza u dansa n a pani wa, kpaci a ka pana ta uwonvo u azapige a aza a Yahuda.

<sup>14</sup> Kain ka nishi ka abiki yi,\* Yesu banai a Kuwa ku Kashila ki u gitai uwenishike. <sup>15</sup> Aza a Yahuda yi a yain majiyan, a danai, “Vuma u na u vi u dusuku a kukere ku kawenishiki wa, nida a yansai u revei ili ushani naha?”

<sup>16</sup> U wushunku le, “Ili i'ya ma wenishike ara va da i wutai wa, shegai Kashila uza da u suku mu, aya u naka mu i'ya. <sup>17</sup> Ama a dangasa baci a yain ili i'ya Kashila ka ciga, a ka reve ta uwenishike vi a asu u Kashila da u wutai, ara va da wa. <sup>18</sup> Aza da a tsu wenishike n ucira u kaci u le, icikpali i ama i'ya a tsu bolo. Shegai uza da u tsu ciga a cikpala uza da u suku yi, ukuna u mayun u da u tsu dansa. U tsu yan kaban wa. <sup>19</sup> Musa naka da ta Mele, shegai ko uza u te u de u tono ma wa. Nida ya ciga i wuna mu?”

<sup>20</sup> Ama yi a wushuki, “Va ta n ityoni i cingi! An ya a ka ciga a wuna vu?”

<sup>21</sup> U wushuki, “N yan ta ukunosavu u te, aku i yain majiyan. <sup>22</sup> Musa tonuko da ta i kida mmuku n de acombi. (Shegai isheku i cau i de i'ya i gitai n ukuna vi, Musa da wa.) I tsu kida ta maku kacombi hal n kain ka Ashibi dem.† <sup>23</sup> Ya kida baci maku

---

\* **7:14** A'ayin kulla da a tsu yan Abiki a Katani ka Kavasuu. † **7:22** Tun a a'ayin a Ibrahi, aza a Yahuda a tsu kida ta mmuku n le acombi a kain ka kulla. Kagita 17:12.

kacombi n kain ka Ashibi an Mele ma Musa ma wushunku da nala, nida ya pana mu upan an n tanasai uza u maɓala gba gba n kain ka Ashibi? <sup>24</sup> Asakai uyan afada adama a tyoku da i bidyai ukuna wari, shegai i yain afada n ukuna u maci.”

*Yesu da Kawauwi ki?*

<sup>25</sup> Pini a a'ayin a nala yi, aza a Urishelima a roku a ka dansa utyoku u le, “Vuma da azapige a ka ciga a wuna da gai na vi. <sup>26</sup> Shegai wa wenishike ta a asu u da ya dem wa wene kpm u panaka yi, kpm azapige yi a shamkpa yi wa. Gaawan a reve ta aya Kawauwi ki. <sup>27</sup> Shegai tsu reve ta ilyuci i vuma u na vi. Kawauwi ka mayun ka tuwa baci, ko uza wa reve ilyuci i ne wa.”

<sup>28</sup> Yesu n u wenishiki pini a Kuwa ku Kashila ki, aku u 'yangasai kalagatsu, “Eye, i reve mu ta, kpm i reve ta ilyuci i va. Mpa n suki kaci ka va wa, uza da u suku mu vi u dansa ta ukuna u mayun, shegai eda i reve yi wa. <sup>29</sup> Mpa n reve yi ta, kpaci a asu u da wari u da n wutai, kpm aya u suku mu.”

<sup>30</sup> An u danai nala, aku ama yi a ka ciga a kana yi, shegai uza wa la u fudai u sawa yi wa, kpaci kotsu a'ayin a rawa wa. <sup>31</sup> Ama ushani a wushuku ta n Yesu. A ka dansa, “Ko Kawauwi ka tuwa baci, wa la gbam vuma u naha vi uyan ikunesavu ushani?”

*A suki awundi a Kuwa ku Kashila a kana Yesu*

<sup>32</sup> An Afarishi a panai kakuma ka ama a ka dansa ikuna i na yi a kaci ka Yesu n tsubini, aku a bolomgbonoi kaci n adarakpi a pige a suki aza a uwundya u Kuwa ku Kashila a kana yi.

<sup>33</sup> Yesu danai, “Ma rongo ta kaɓolo n ada a'ayin kenu, aku n laza ubana a asu u uza da u suku mu.

<sup>34</sup> A'ayin a nala yi ya zama mu t̄a, shegai ya wene mu wa. Kpam ya fud̄a ya tuw̄a a asu u d̄a m̄ari wa.”

<sup>35</sup> Aku aza a Yahuda a git̄ai uwecishe kaci ka le, “Nte vuma na wa ciga u bana d̄a bawu tsa fud̄a tsa wene yi? A ilyuci ilyuci i Nheline i'ya w̄a wa bana a asu u d̄a ama a tsunu a'ari n̄a ndishi, tsar̄a u ba u wenishike le d̄e? <sup>36</sup> Ndya kalen ka kadyanshi ka u yain an u danai, ‘Ya zama mu t̄a uwene, shegai ya wene mu wa,’ kpam ‘Ya fud̄a ya tuw̄a a asu u d̄a m̄ari wa?’”

### *Mini ma ma tsu n̄ak̄a uma*

<sup>37</sup> Kain ka makorishi ka abiki yi; wata, kain ka pige ka la vi, Yesu shamgbai a kapala ka ama ki, u 'yangas̄ai kalagatsu u danai, “Gb̄a uza d̄a baci wa pana kakuli, u tuw̄a ara v̄a u soi. <sup>38</sup> Tagar̄ada u Kashil̄a u dana t̄a, ‘Uza d̄a baci dem u pityanangi n̄a mpa, a asuvu a katakasuvu ka ne ka agat̄a a mini ma ma tsu n̄ak̄a uma ma rongo uwutusa ushani.’ † ” <sup>39</sup> Ukuna u Kulu Keri u d̄a wa dans̄aka. Kotsu Kashil̄a ka n̄ak̄a Kulu ki wa, kpaci kotsu u raḍagb̄a Yesu u n̄ak̄a yi tsupige wa. Shegai ubana a kapala, ama d̄a a wushuki n Yesu vi a ka wusha t̄a Kulu Keri.

### *Ama yi a pecenei*

<sup>40</sup> An ama yi a pan̄akai Yesu, aku aza roku a danai, “Vuma u na vi Matsumate ma a dangas̄ai vi ma mayun.”

<sup>41</sup> Aza roku a danai, “Kawauwi ka.”

---

† **7:38** Izikel 47:1; Zakariya 14:8. Ire i re i'ya a ka fud̄a a ka yawunsa ko ara yai d̄a mini ma wuta. 1) Aza d̄a a pityanangi n 2) ara Yesu, kagit̄a ka iwauwi.

Shegai aza roku a danai, “Kawauwi ka wuta a asuvu a Galili wa. <sup>42</sup> Tagarada u Kashila u dana ta, Kawauwi ki a kumaci ku Dawuda Magono ka wa wuta, kpan a Batalami da a ka matsa yi, a ilyuci i'ya Dawuda rongoi.” <sup>43</sup> Aku ama yi a pecenei tyoku da a ka yawunsa a kaci ka ne. <sup>44</sup> Aza roku a ka ciga a kana yi, shegai ko uza u sawa yi wa.

### *Azapige a 'yuwain uwushuku n Yesu*

<sup>45</sup> Aku aza da a ka wundya Kuwa ku Kashila ki a gonoi a asu u adarakpi a pige n Afarishi yi, aku a wece le, “Ndya i zuwai i kpadai utuko Yesu vi pini na?”

<sup>46</sup> Aza a uwundya Kuwa ki a wushuki, “Ko uza wa la u dansai tyoku da vuma u na vi u dansai wa.”

<sup>47</sup> Afarishi yi a danai, “Eda dem u puwunsa da de! <sup>48</sup> Uza wa la a asuvu a tsunu atsu adarakpi a pige n Afarishi u wushuki n Yesu wa. § <sup>49</sup> Shegai kakuma ka ama ka bawu ka revei n Mele ma Musa mi, Kashila ka wacinsa le ta.”

<sup>50</sup> Nikodimu, uza u te a asuvu a Afarishi yi, aya uza da u banai tsara u wene Yesu caupa. U tonukoi atoku a ne, <sup>51</sup> “Mele ma tsunu ma wushunku tsu tsu wuna uza bawu tsu panai ili i'ya wa dana wa. U gan tsu kidaga le ugana bawu tsu revei ili i'ya a yain wa.”

<sup>52</sup> Aku a wushunku yi, “Avu dem uza u Galili u da? Tono Tagarada u Kashila mai, va wene ta matsumate ma la ma wuta a kabon ka Galili wa.”

---

◇ **7:42** 2 Sam. 7:12; Mik. 5:2. § **7:48** Uza u Yahuda u isa baci uza 'uza u Samariya' inyashi i'ya. A reve ta an Yesu wuta a Galili, shegai a Samariya wa.



[<sup>53</sup> Aku ndishi mi n kotsoi, ya dem lazai ugono a kuwa.

## 8

### *A kaṅai kashankala*

<sup>1</sup> Pini nala, Yesu lazai ubana a Masasa ma Zayitum. <sup>2</sup> An kain ka wansai n usana u de, aku u lazai ubana a Kuwa ku Kashilā. Ama yi a tuwāi a asu u ne, aku u dusuki n ele u gitā le uwenishike. <sup>3</sup> Awenishiki a Mele n Afarishi a tukoi uka roku uza ḍa a kaṅai n tsishankala, aku a zuwa yi u shamgba a kapala ka kakumā ka ama. <sup>4</sup> A danai, “Kawenishiki, a kaṅa tā uka u na n u yanyi tsishankala. <sup>5</sup> Mele ma Musa ma wenishike tsu tā, uza ḍa baci dem a kaṅai n ucun u ili i na yi a varasa yi n atali a wuna yi. Nɗya vu danai?”

<sup>6</sup> A dana tā ukuna u na vi tsarā a wandi Yesu tsarā a tsarā ili i'ya a ka sapula yi. Shegai Yesu kelikei a iyamba, u gitai uyan ikorongi n majubu ma ne. <sup>7</sup> A maṣa yi n keci a kaci ka uka ki. Aku u tuwāi u 'yangai u danai, “Gbā uza ḍa bawu wari pini na n unyushi, u gitā u fuluku katali u vara yi.” <sup>8</sup> Aku Yesu doki u kelikei u yain ikorongi.

<sup>9</sup> An a panai nala, aku a lazasai maten-maten. Nkoshi n ḍa a gitai a lazasai, aku a asakai Yesu n uka vi pini utyoku u le. <sup>10</sup> Yesu 'yangai u wece yi, “Nte ama yi? Uza wā la u shamgbai u kidāga vu ugana wa?”

<sup>11</sup> U wushuki, “Uzapige, ko uza u buwa wa.”

Aku Yesu tonuko yi, “Mpa dem ma kidāga vu ugana wa. Wala ili i vunu, kotsu vu doku vu yain unyushi u cingi wa.”]\*

*Yesu da katyashi ka likimba*

<sup>12</sup> Yesu doki u dansai n ele, “Mpa uza da u tsu naka ama a likimba katyashi. Uza da baci dem u tono mu, wa tsara ta katyashi ka ka tsu naka uma, kpam wa wala a asuvu a karimbi wa.”

<sup>13</sup> Afarishi yi a tonuko yi, “Ama a re a dansa baci a kaci ka ukuna, tsa wushuku ta.† Shegai a'ayin a da baci va dansaka kaci ka vunu, ada koshi vu tsu bidya kadyanshi ki mayun da, adama a nala, atsu tsa wushuku n ili i'ya vu danai wa.”

<sup>14</sup> U wushunku le, “Mayun da, a kaci ka va ka ma yan kadyanshi ka na ki, kpam mayun da kari. N reve ta asu u da n wutai n asu u da ma bana. Shegai eda i reve asu u da n wutai n asu u da ma bana wa.”

<sup>15</sup> Eda aza da i tsu yan afada tyoku da ama a tsu yansa. Mpa ma yanka uza u afada wa. <sup>16</sup> Shegai ko ma yan baci afada, a da mpa ma yan a maci a da, kpaci mari utyoku u va wa. Tata u da u suku mu wa ta kabolo na mpa. <sup>17</sup> Mele ma de ma dana ta, ama a re a dana baci ili i te a kaci ka ukuna, u kana ta i wushuku n ili i'ya a danai. <sup>18</sup> Ma ta a asuvu a aza da a ka yan kadyanshi a kaci ka va, Tata u da u suku mu vi, aya uza u ire vi.”

<sup>19</sup> Aku a wece yi, “Nte tata u vunu vi?”

U wushunku le, “I reve mu wa, kpam i reve Tata u va wa. I reve mu baci, ya reve ta dem Tata u va.”

\* **8:11** Akorongi a cau a roku aza da a purai a tagarada u Yahaya a kalatsa ta mkpanda n 7:53–8:11. † **8:13** Udani u na vi ili i te i'ya n u da wari a 8:17.

<sup>20</sup> U yan t̄a kadyanshi ka na ki a'ayin a d̄a w̄ari a uwenishike a Kuwa ku Kashila, evu n asu u d̄a a ka zuwusa ikebe. Shegai ko uza u kaṅa yi wa, kpaci kotsu a'ayin a ne a yan wa.

*Ya fud̄a ya bana a asu u d̄a ma bana wa*

<sup>21</sup> Yesu doki u tonukoi ama yi, “Ma laza t̄a n asaka d̄a, kpam ya zama mu t̄a, shegai i lya baci kapala n unyushi u cingi u d̄e, ya kuwa t̄a. Ya fud̄a ya bana a asu u d̄a ma bana wa.”

<sup>22</sup> Aku azapige a aza a Yahuda a danai, “U da tsa fud̄a tsa bana a asu u d̄a wa bana wa. Wa ciga u dana wa wuna kaci ka ne d̄a?”

<sup>23</sup> U danai, “Ed̄a aza a likimba u na d̄a a iyamba, shegai mpa a zuba u d̄a n wut̄ai. Ed̄a aza a likimba u na d̄a, shegai mpa uza u likimba u d̄a wa. <sup>24</sup> Da gai i zuwai n danai ya kuwa t̄a kaḅolo n unyushi u cingi u d̄a ya yansa vi. I 'yuwan baci uwushuku an mpa uza d̄a n da m̄ari vi, mayun ya kuwa t̄a a asuvu a unyushi u cingi u d̄e.”

<sup>25</sup> Aku a wece yi, “Ada yai?”

U wushunku le, “Mpa gai uza d̄a n tsu tonusuko d̄a m̄ari vi. <sup>26</sup> Ili i'ya pini ushani i'ya ma dansa a kaci ka d̄e, kpam n kid̄aga d̄a ugana. Shegai uza d̄a u suku mu u tsu dansa t̄a ukuna u maci. Kpam n tonuko aza a likimba ili i'ya u tonuko mu koshi.”

<sup>27</sup> Shegai ama yi a fud̄a a reve an ukuna u Tata u d̄a w̄ari le utonusuko wa. <sup>28</sup> U danai, “A'ayin a d̄a baci i rad̄agb̄ai Maku ma Vuma a zuba a mawandamgbani, ya reve t̄a an mpa gai uza d̄a n tonuko d̄a m̄ari vi. Kpam ya reve t̄a an n tsu yan ili adama a kaci ka va wa. Ili i'ya Tata u va u wenishike mu i'ya n tsu dansa. <sup>29</sup> Uza d̄a u suku

mu wā tā kabolo nā mpa, u asakā mu utyoku u vā wa, kpaci n tsu rongo tā uyansa ili i'ya u tsu pana kayanyan.”

<sup>30</sup> Ama ushani aza dā a panakai Yesu n u dansi ikuna i na yi, a wushuku tā n eyi.

*Ukuna u mayun wa tuko dā tā utsarā u kaci*

<sup>31</sup> Yesu tonukoi aza dā a wushuki n eyi, “I lya baci kapala n utono uwenishike u vā, edā atoni a vā a dā a mayun. <sup>32</sup> Kpam ya reve tā ukuna u mayun, u tuko dā kpam utsarā u kaci.”

<sup>33</sup> Aku a wushuki, “Atsu mmuku n tsikaya ma Ibirahi n dā, kpam kotsu tsu gbashika uza roku wa. Nida va dana a ka tuko tsu utsarā u kaci?”

<sup>34</sup> U wushunku le, “Mayun n tonuko dā, gbā uza dā baci dem u yain unyushi u cingi, kagbashi ka unyushi u cingi ka. <sup>35</sup> Kagbashi ka tsu rongo a kuwa ku uzapige maco wa, shegai maku ma vuma mi ma tsu rongo tā a kuwa ku tata u ne maco. <sup>36</sup> Adama a nala, Maku mi ma tuko dā baci utsarā u kaci, ya tsarā tā utsarā u kaci u mayun. <sup>37</sup> N reve tā edā mmuku ma Ibirahi n dā, shegai ya ciga tā i wuna mu adama a dā bawu i wushuki n uwenishike u vā. <sup>38</sup> Ili i'ya Tata u vā u wenike mu i'ya ma tonuko dā, shegai ya yansa ili i'ya tata u dē u tonuko dā.”

<sup>39</sup> A wushuki, “Ibirahi dā tata u tsunu.”

U tonuko le, “A da baci edā mmuku ma Ibirahi n dā mayun, ya yansa tā ili i'ya Ibirahi yain. <sup>40</sup> N tonuko dā tā ukuna u mayun u dā n panai a asu u Kashilā, aku ya ciga i wuna mu. Ibirahi wa yan ucun u ukuna nala wa. <sup>41</sup> Shegai ya yan derere ili i'ya tata u dē wa yansa.”

Aku a wushuki, “Atsu ilimaci i kateshe i'ya wa! Kashilā n kaci ka ne aya Tata u tsunu u mayun.”

<sup>42</sup> U tonuko le, “Kashilā ka baci kari Tata u de, i'ari ya ciga mu ta, kpaci a asu u Kashilā da n wutai n tuwai ara de. N tuwa adama a kaci ka va wa, shegai aya u suku mu. <sup>43</sup> I reve ili i'ya n danai wa, kpaci ya wushuku n uwenishike u va wa. <sup>44</sup> Kalapansi ka tata u de, kpam ili i'ya u tsu ciga i'ya i tsu yan derere. Eyi uza u nkunu da n uza u ka<sup>ba</sup>n tun a kagita. Ili i'a la i mayun a kaci ka ne wa. Ka<sup>ba</sup>n ka u tsu rongo a uyansa, kpaci eyi uza u ka<sup>ba</sup>n da. Uza u ka<sup>ba</sup>n da gbam koshi wa, shegai tata u ka<sup>ba</sup>n u da dem. <sup>45</sup> An u wokoi ma tonusuko da ukuna u mayun da i zuwai bawu i wushuki na mpa. <sup>46</sup> A asuvu a de ya wa fuda wa wuta karara u dana mpa uza u unyushi u cingi u da? An u wokoi ma tonusuko da ukuna u mayun, ndya i zuwai i kpa<sup>da</sup>i uwushuku na mpa? <sup>47</sup> Maku ma Kashila<sup>t</sup> dem ma tsu pana ta kadyanshi ka Kashila. Shegai e<sup>da</sup> mmuku n Kashila n da wa, da gai i zuwai bawu i panai vi.”

### *Yesu da uzapige n Ibrahi*

<sup>48</sup> Aza a Yahuda a wushunki Yesu, “Dere da tsu danai avu uza u Samariya u da, kpam va ta n ityoni i cingi!”

<sup>49</sup> U danai, “Ma n ityoni i cingi a asuvu a va wa. N na<sup>ka</sup> ta Tata u va tsupige, shegai e<sup>da</sup> i 'yuwan mu un<sup>ka</sup> tsupige. <sup>50</sup> Kumodu ka mari tsara n tsaraka kaci ka va tsupige wa, shegai uza roku u da pini uza da wa ciga mu n wushi tsupige. Aya kpam dem wa yan afada. <sup>51</sup> Mayun n tonuko da, uza da baci dem u tonoi uwenishike u va, wa kuwa wa.”

<sup>52</sup> A danai, “Gogo-na tsu reve t̄a an v̄ari n ityoni i cingi a asuvu a vunu! Ko Ibrahi n̄a ntsumate a kuwusā t̄a. Shegai avu vu danai, ‘Gb̄a uza d̄a baci u tonoi uwenishike u v̄a, wa kuwā wa.’ <sup>53</sup> Vu la tata u tsunu Ibrahi tsupige d̄a? U kuwā t̄a, nala dem ntsumate. Ya vu bidyai kaci ka vunu?”

<sup>54</sup> U wushunku le, “N̄ n̄akā baci kaci ka v̄a tsupige, tsupige tsu v̄a tsa woko ili i roku wa. Uza d̄a u n̄akā mu tsupige aya Tata u v̄a, ed̄a kpam i danai aya Kashilā ka d̄e. <sup>55</sup> Ed̄a kotsu i reve yi wa, mpa tani n reve yi t̄a. N da baci kotsu n reve yi wa, ma woko t̄a uza u kaβan tyoku u d̄e. Shegai n reve yi t̄a, kpam n tono t̄a ili i'ya u danai. <sup>56</sup> Tata u d̄e Ibrahi z̄anganā t̄a u wene utuwā u v̄a, kpam u wene t̄a u yain kpam mazangā cika.”

<sup>57</sup> Aku a danai, “Ni d̄a va dana vu wene Ibrahi, ad̄a tani na kotsu vu rawa ayen amangarenkupa wa?”

<sup>58</sup> Aku u tonuko le, “Mayun n tonuko d̄a, kahu a matsa Ibrahi, Mpa† pini.”† <sup>59</sup> An Yesu danai nala, aku ama yi a bidisai atali tsarā a wuna yi. Shegai u puwāin, u lazai u asakāi Kuwa ku Kashilā ki.

## 9

### *Yesu tanas̄ai karumbā*

<sup>1</sup> An Yesu w̄ari a nwalu, aku u wenei vuma roku uza d̄a a matsai karumbā. <sup>2</sup> Aku atoni a ne a wece yi, “Kawenishiki, ndya i zuwai a matsai vuma u na karumbā? Nusa d̄a u nusai, ko gai isheku i ne i'ya i yain unyushi vi?”

---

† **8:58** An Yesu danai “Mpa,” aza a Yahuda a nala yi a cifa t̄a an Kashilā ka tonukoi Musa kala ka ne ka “Mpa.” Uwu t̄a 3:14.

<sup>3</sup> U wushunku le, “Vuma u na u rumbaṅa adama a unyushi u ne, ko kpam u isheku i ne wa. Matsa ḍa a matsa yi nala tsara Kashila ka wenike ucira u ne ara ne. <sup>4</sup> U kana ta tsu yain manyan ma uza ḍa u suku mu n kaara. Kayin ka yan ta ḍa bawu uza wa yan manyan. <sup>5</sup> A'ayin a ḍa mari pini naha a likimba, mpa n tsu zuwa katyashi a asu u ama a likimba.”

<sup>6</sup> An u danai nala, aku u cikpai atatsa a iyamba, u vurai kalyon n a ḍa, aku u gbarai kalyon ki a a'eshi a vuma yi. <sup>7</sup> Aku u tonukoi vuma vi, “Wala ba vu sawa a'eshi a vunu a kadaka ka mini ka a ka isa Silawamu.” (Kalen ka “Silawamu” ka “Uza ḍa a Suki.”) Aku vuma vi u banai u sawai a'eshi a ne. U gono ta n u weni.

<sup>8</sup> Ama a ḍa a'ari a asu vi n aza ḍa a revei karumba ki uza ḍa wari u tsu folo vi, a wecikei, “Vuma ḍa u tsu dusukusu pini n u foli u ḍa na vi wa?”

<sup>9</sup> Aza roku a danai, “Aya gai vi.”

Aza roku kpam a danai, “Aya wa, rotsono ḍa gai a rotsonoi.”

Karumba ki ka rongoi gai udansa, “Mpa gai na vi!”

<sup>10</sup> Aku a wece yi, “Nida vu yansai va wene gogo-na?”

<sup>11</sup> U wushunku le, “Vuma ḍa a ka isa Yesu ḍa u vurai kalyon, aku u gbaraka mu a'eshi. Pini nala, u tonuko mu n bana a Kadaka ka Silawamu n sawa a'eshi yi. An n ba n sawai, aku n wenei.”

<sup>12</sup> Aku a wece yi, “Nte vuma vi?”

U danai, “N reve wa.”

*Afarishi a matsai uvece tyoku ḍa u tanga*

<sup>13</sup> A bidyai vuma ɗa wari karumba caupa vi, a banka yi a asu u Afarishi. <sup>14</sup> Kain ka Yesu vurai kalyon u tanasai vuma vi, kain ka Ashibi ka. <sup>15</sup> Pini nala, Afarishi yi a wecei vuma vi, “Nida a yain vu tsarai a'eshi a vunu?”

U wushunku le, “Aya u gbaraƙa mu kalyon a a'eshi, aku n sawai, pini nala, n wenei.”

<sup>16</sup> Afarishi a roku a danai, “Yesu na vi a asu u Kashila ɗa u wutai wa, kpaci wa tono mele ma Ashibi wa.”

Shegai aza roku a danai, “Vuma ɗa wari n un-yushi u cingi wa fuda wa yan ikunesavu naha wa.” Aku ka kpaɗa le utuwa ka te.

<sup>17</sup> A doku a wecei vuma vi, “Nɗya va dana a kaci ka vuma ɗa u tanasa vu a'eshi yi?”

U wushunku le, “Matsumate ma.”

<sup>18</sup> Azapige a aza a Yahuda a wushuku an vuma vi karumba ka caupa, kpam gogo-na wa fuda wa wene wa, aku a suki a isa isheku i ne. <sup>19</sup> A wece le, “Maku ma de ma na vi? I da nala i matsa yi n urumba, nida a yain aku gogo-na wa wene?”

<sup>20</sup> Aku a wushuki, “Tsu reve ta gai maku ma tsunu ma, kpam nala tsu matsa yi n urumba. <sup>21</sup> Shegai tsu reve tyoku ɗa a yain wa wene wa. Kpam dem tsu reve uza ɗa u tanasa yi wa. Wece ni. U rasta ta u wushunku da n kaci ka ne.” <sup>22</sup> A dana ta nala adama a ɗa a ka pana uwonvo u azapige yi. Alya a danai gba uza ɗa baci dem a kana i u da Yesu Kawauwi ka, wa doku wa uwa a kagata ka Kashila kpam wa. <sup>23</sup> Da gai i zuwai isheku i ne a danai, “Wece ni, u rasta ta u wushunku da n kaci ka ne.”



24 A doku a isaï vuma ða a matsai karumba ki, a tonuko yi, “Tsina n Kashila vu tonuko tsu ukuna u mayun! Tsu reve ta vuma ða u tanasa vu na vi uza u unyushi u cingi ða.”

25 U wushuki, “Ko wa n unyushi u cingi, ko wa n u ða wa, mpa n reve wa. Ili i'ya gai n revei i'ya: Caupa mari ta n urumba, shegai gogo-na ma wene ta.”

26 A wece yi, “Nɗya u yanka vu? Niða u tanasa vu?”

27 U wushunku le, “N tonuko ða ðe, shegai i pana ka mu wa. Niða ya ciga i doku i pana ukuna vi kpaam? Ya ciga i woko atoni a ne a ða dem?”

28 Aku a wisha yi a danai, “Ada gai katoni ka ne, atsu atoni a Musa a ða. 29 Tsu reve ta Kashila ka ðansa ta n Musa, shegai tsu reve gbam ilyuci i'ya vuma u na u wutaï wa.”

30 Vuma vi u danai, “Ili i majiyan i'ya! U tanasa ta a'eshi a va, shegai niða i kpaðai ureve a asu u ða u wutaï? 31 Atsu gai tsu reve ta Kashila ka tsu pana ka aza a unyushi u cingi wa, shegai u tsu pana ka ta uza ða baci dem wa lyaka yi kayala kpaam wa yansa ili i'ya u danai. 32 Tun an Kashila ka yain likimba, uza wa la u tanasai a'eshi a vuma ða a matsai karumba wa. 33 A ða baci vuma u na Kashila ka ka suku yi wa, wa fuda wa yan ko i te wa.”

34 A tonuko yi, “Avu uza u unyushi u cingi u ða mayun mayun tun kain ka a matsa vu! Va wundya va fuda va wenishike tsu ili i roku ða?” Aku a loko yi pini a kagata ka Kashila ki.

*Urumba u Afarishi*

<sup>35</sup> An Yesu panai ili i'ya i gitai, aku u boloi vuma vi u wece yi, “Vu wushuku wā n Maku ma Vuma?”

<sup>36</sup> Vuma vi u wushuki, “Uzapige, tonuko mu ko eyi yayi, tsarā n wushuku n eyi!”

<sup>37</sup> U tonuko yi, “Vu wene yi de, kpam aya gai wa dansa n avu gogo-na vi.”

<sup>38</sup> Vuma vi u danai, “Asheku, n wushuku tā!”  
Aku vuma vi u lyakai Yesu kayala.

<sup>39</sup> Yesu tonuko yi, “N tuwā tā tsarā n pecene ama a likimba. N tuwā tā n zuwa arumbā a wene, aza da kpam a ka wundyā ele a ka wene n wenike le ele arumbā a da.”

<sup>40</sup> An Afarishi a da a'ari pini vi a panaka yi u danai nala, aku a wece yi, “Va wundyā aṣu arumbā a da?”

<sup>41</sup> U wushunku le, “A da baci edā arumbā a da gmam wa, i'ari ya yan n unyushi u cingi wa. Shegai an i danai edā ya wene tā, i'a tā pini n unyushi u cingi u de.”

## 10

### *Agisani a kaliniki*

<sup>1</sup> Yesu danai, “Mayun n tonuko da, aboki n aza a magalaka a da koshi a tsu radugu a yuwa kasaga a unā u da a ka uwa a utsutsu u asu u da a tsu zuwa ncon. <sup>2</sup> Uza da u tsu uwa a utsutsu aya kaliniki ka ncon ki. <sup>3</sup> Uza da u tsu wundyā utsutsu vi, aya u tsu giduwuka yi u da. Kpam ncon n ne mi n tsu pana tā kalagatsu ka ne. U tsu isa tā n ne ya dem n kala ka ne, aku u wutukpa le. <sup>4</sup> A'ayin a da baci u wutukpa le, aku u uwa a kapala ka le, ele n a toni kpaci a reve tā kalagatsu ka ne. <sup>5</sup> A tsu tonu vuma roku wa, shegai a suma yi, kpaci a reve kalagatsu ka ne

wa.” <sup>6</sup> Yesu tonuko le t̄a agisani a na yi, shegai a reve ili i'ya wa tono wa.

*Yesu da kaliniki ka shinga*

<sup>7</sup> Yesu doki u danai, “Mayun n tonuko d̄a, Mpa utsutsu u asu u ncon vi. <sup>8</sup> Gb̄a aza d̄a a lasa mu utuw̄a, aboki a d̄a n aza a magal̄ak̄a. Ncon mi a pan̄aka le wa. <sup>9</sup> Mpa utsutsu vi, kpam uza d̄a u uwai a asu u v̄a, wa tsar̄a t̄a iwauwi, wa fud̄a t̄a wa uwa kpam u wut̄a u zami ijani i utakuma. <sup>10</sup> Kaboki ka tsu tuw̄a t̄a uboki, u wuna, kpam u nangasa, shegai mpa n tuw̄a t̄a tsar̄a n nak̄a uma kpam a tsar̄a u d̄a ushani.

<sup>11</sup> “Mpa kaliniki ka shinga. Kaliniki ka shinga ka tsu neke t̄a uma u ne tsar̄a u kangu ncon n ne. <sup>12</sup> Uza d̄a a bidyai manyan ma kalina w̄a tyoku u kaliniki uza d̄a wari n̄a ncon mi wa. U wene baci maleweni a utuw̄a, w̄a suma t̄a u asak̄a ncon mi utyoku u le. Aku maleweni mi ma ba ma zar̄a ncon mi ma wacinsa le. <sup>13</sup> Vuma vi u suma t̄a kpaci bidya d̄a a bidya yi manyan kpam u dambula a kaci ka ncon mi wa.

<sup>14-15</sup> “Mpa kaliniki ka shinga. N reve t̄a ncon n v̄a, nala dem Tata u v̄a u reve mu. Ncon n v̄a dem a reve mu t̄a, tyoku d̄a dem n revei Tata vi. N neke t̄a uma u v̄a tsar̄a n b̄anga ncon mi. <sup>16</sup> M̄a t̄a n̄a ncon n roku n d̄a bawu m̄ari a asuvu a ushiga u na vi, kpam u kan̄a t̄a n tuko le dem. A ka pana t̄a kalaḡatsu ka v̄a, kpam gb̄a a ka woko t̄a ushiga u te n kaliniki ka te. <sup>17</sup> Tata vi wa ciga mu t̄a kpaci m̄a t̄a ufobusi tsar̄a n nak̄a uma u v̄a, kpam n tuw̄a n wushi u d̄a. <sup>18</sup> Uza wa fud̄a wa wusa uma u v̄a ara v̄a wa. N nak̄a t̄a u d̄a adama a uciga u kaci u v̄a.

Mā tā n ucira u dā ma neke u dā kpam n wushi u dā, tyoku dā Tata u vā u tonuko mu n yain.”

<sup>19</sup> Aza a Yahuda a doku a wushuku wa, aku ka kpaḍā le kpam utuwā ka te. <sup>20</sup> Aza roku a le a danai, “Ityoni i cingi i'ya i uwa yi i'ya i zuwa yi ijan. Nɗya i zuwai ya panāka yi?”

<sup>21</sup> Shegai aza roku a danai, “Uza dā baci ityoni i cingi i uwai u tsu yan kadyanshi naha wa. Ityoni i cingi ya fuḍa ya kukpā a'eshi a karumbā dā?”

### *A 'yuwain Yesu*

<sup>22</sup> An a'ayin a uyolu a rawai, a'ayin yi a dā a tsu yan Abiki a Uciḅusa Unākā Kuwa ku Kashilaḥ a Urishelima. <sup>23</sup> Kain ka te, Yesu wa wala pini a Kuwa ku Kashila a asu u dā a tsu isa Kafalaka ka Solomo. <sup>24</sup> Aku aza a Yahuda yi a ɓolomgbonoi a kyawan yi, a danai, “Hal ku yain ka va zuwa tsu uyan malalā ko avu ya vāri? Aḍa baci Kawauwi ki, tonuko tsu karara.”

<sup>25</sup> Yesu wushunku le, “N tonuko dā de caupa, shegai i kpaḍai uwushuku. Ikunesavu i'ya n yan-sai a asuvu a kala ka Tata u vā i wenike tā ko mpa yayi. <sup>26</sup> Shegai i 'yuwain uwushuku, kpaci eḍa ncon n vā n dā wa. <sup>27</sup> Ncon n vā n tsu pana tā kalagatsu ka vā, n reve le tā, ele kpam dem a tsu tonu mu tā. <sup>28</sup> N nākā le tā uma u dā bawu wa kotso, kpam a ka kuwā wa. Uza wā kpam la wa wusa le a kukere ku vā wa. <sup>29</sup> Tata u vā u dā u nākā mu n ele, u la tā ili gbā tsupige, kpam uza wa fuḍa wa wusa le a kukere ku Tata u vā wa. <sup>30</sup> Tata vi nā mpa ili i te i'ya.”

<sup>31</sup> Pini nala, a doki a bidisai atali tsarā a wuna yi.

<sup>32</sup> Shegai u tonuko le, “N wenike dā tā ili i shinga i

shinga i'ya Tata u va u suku mu n yain. N ukuna u eni u da a asuvu a le ya ciga i varasa mu?"

<sup>33</sup> Aku a wushuki, "Adama a da vu yain ili i shinga i'ya i zuwai tsa ciga tsu varasa vu wa, shegai adama a da vu yankai Kashila kadyanshi ka cingi da. Avu vuma da, shegai vu danai dere da vari n Kashila!"

<sup>34</sup> U wushunku le, "A korongu ta a Mele ma de ma Kashila ka danai, 'N da, eda ashila a da.' <sup>35</sup> Tsu reve ta ili i'ya Tagarada u Kashila u danai mayun da wari hal ubana a makorishi. Kpam Kashila ka isa ta ama a nala yi ashila, aza da u naka udani u ne.\* <sup>36</sup> Mpa gai, Tata u dangasa mu ta kpam u suku mu a asuvu a likimba. Nida ya dana n yanka Kashila kadyanshi ka cingi an n danai, 'Mpa Maku ma Kashila ma'? <sup>37</sup> Manyan ma Tata u va wa yansa ma baci ma yansa wa, kotsu i wushuku na mpa wa. <sup>38</sup> Shegai ili i'ya Tata u va wa yansa i'ya baci ma yansa, u gan ta i wushuku adama a nala, ko i wushuku baci n kadyanshi ka va wa. Aku i reve an Tata vi ili i te i'ya na mpa, mpa kpam ili i te i'ya n Tata vi." <sup>39</sup> A doki a matsai tsara a kana yi, shegai u lai.

<sup>40</sup> Aku u ba u pasai Agata a Urudu ubana a asu u da Yahaya gitai ulyubugusu, u rongoi de. <sup>41</sup> Ama ushani a tuwai ara ne. A ka dansa utyoku u le, "Yahaya yan ukunosavu wa, shegai gba ili i'ya Yahaya danai a kaci ka vuma u na mayun da." <sup>42</sup> Pini nala, ama ushani a wushuki n Yesu.

---

◇ **10:34** Ishp. 82:6. \* **10:35** Aza da a wushai akani a Kashila a Masasa ma Sinai mi, a Iya Musa n aza a Isara'ila.

# 11

## *Ukpā u Li'azaru*

<sup>1</sup> Kain ka te, maḅalā ma kaṅai vuma roku uza ḁa a ka isa Li'azaru, uza ḁa wa rongo a ilyuci i Batani n ataku a ne Meri n Marta. <sup>2</sup> Meri na vi, uza ḁa vangu u ne wari n maḅalā mi, aya uza ḁa u tuwai u tsungi manivi ma magulani a a'ene a Asheku, aku u yansai a ḁa n kenji ka ne. <sup>3</sup> Pini nala, Meri n Marta a suki uza roku u ba u tonuko Yesu, “Asheku, uza ḁa va ciga vi, maḅalā ma kaṅa yi ḁe.”

<sup>4</sup> An Yesu panai nala, u danai, “Maḅalā ma nala ma kotso a ukpā wa. Nala u gitā tā tsarā a tuko tsupige a asu u Kashilā, nā mpa Maku ma Kashilā, n wushi tsupige adama a nala.” <sup>5</sup> Yesu wa ciga tā Marta n a'angu a ne. <sup>6</sup> Shegai an u panai a ḁa maḅalā ma kaṅa tā Li'azaru, aku u doki u shamgbai pini a asu u ḁa wari vi a'ayin a re.

<sup>7</sup> Aku u tonukoi atoni a ne, “Tsu gonoi a Yahuda.”

<sup>8</sup> Atoni yi a danai, “Kawenishiki, kotsu u ɓarākpā an azapige a aza a Yahuda a ka ciga a varāsa vu a wuna vu wa. Nɗya i zuwai va ciga vu doku vu gono ḁe?”

<sup>9</sup> U wushuki, “Uliva dem wā tā n ulapa uwule kupa n ure. A'ayin a ḁa baci dem katyashi kari la, ama a ka wala tā kpam a ka taḁatsa wa. A ka wene tā kpaci a'a tā n katyashi ka likimba u na. <sup>10</sup> Shegai a wala baci n karimbi, a ka taḁatsa tā, kpaci a'a n katyashi wa.”

<sup>11</sup> Aku u tonuko le, “Kaje ka tsunu Li'azaru aya pini wa lavuta, nte ma bana ḁe tsarā n 'yangasa yi.”

12 Aku atoni yi a danai, “Asheku, alavu a ɗa yi baci, wa taṅa ta!” 13 Ele n a dani ko alavu a maci a ɗa Yesu tonuko le wa lavuta, shegai Yesu tonuko ɗa wa tonuko le Li'azaru kuwa ɗe.

14 Aku u wutumkpa le a kateshe, u danai, “Li'azaru kuwa ɗe. 15 Shegai n pana ta kayanyan an bawu mari ɗe. Adama a nala, ya rotsongusu ta i wushuku na mpa. Tuwai tsu banai ara ne gogo-na.”

16 Aku katoni ka roku Toma (uza ɗa a ka isa “Mapeshe”) u tonkoi aza ɗa a buwai, “Tsu soki kawenishiki ki gba tsunu, tsara tsu kuwa ɗe kaɓolo n eyi!”

### *Yesu n Meri n Marta*

17 An Yesu rawai evu, u cinai cina a cidangu ɗe Li'azaru n a'ayin a nishi. 18 Batani n Urishelima a'a ta evu evu, evu n mel u re ɗa. 19 Adama a nala, aza a Yahuda ushani a bansa ta idyani i ukpa ara Marta n Meri adama a ukpa u vangu u le. 20 An Marta panai a da Yesu wa tuwa, aku u banai u gawunsai n eyi, shegai Meri shamgbai pini a kuwa. 21 Marta tonkoi Yesu, “Asheku, a ɗa baci vari pini, vangu u va vari wa kuwa wa. 22 Shegai ko n gogo-na n reve ta Kashila ka naka vu ta ili i'ya baci dem vu folo yi.”

23 U danai, “Vangu u vunu wa 'yanga ta u yain kpm uma.”

24 Marta wushuki, “N reve ta an wa 'yanga kain ka makorishi, Kashila ka 'yangasa baci gba akushe.”

25 U wushunku yi, “Mpa n tsu 'yangasa ukpa, mpa kpm uma. Aza ɗa baci a wushuki na mpa, ko a kuwa baci a ka 'yanga ta. 26 Uza ɗa vari n uma

kpam u wushuki na mpa, wa kuwa wa. Marta, vu wushuku wa?”

<sup>27</sup> U danai, “N wushuku ta, Asheku. Ada Kawauwi, Maku ma Kashila, uza da wa tuwa a likimba vi.”

### *Yesu sai*

<sup>28</sup> An Marta danai nala, aku u gonoi u ba u tonukoi vangu u ne Meri koshi, u danai, “Kawenishiki ki ka rawa de, kpam ada wa wecike.” <sup>29</sup> An Meri panai nala, aku u 'yangai gogo wa bana ara Yesu. <sup>30</sup> Kotsu u rawa a ilyuci yi wa, nte u buwai ve de a asu u da Marta gawunsai n eyi.

<sup>31</sup> Ama ushani a tuwa le ta uwene, shegai an a wenei Meri wuta a kuwa ki gogo, aku a yawunsai nte wa bana de a asu u kasaun vi tsara u sai. Aku a tono yi.

<sup>32</sup> Meri vi u banai a asu u da Yesu wari. An u wene yi, aku u kudangi a kapala ka ne u danai, “Asheku, a da baci wari pini na, vangu u va wari wa kuwa wa.”

<sup>33</sup> U wene yi wa sa, ama da a'ari kaɓolo n eyi dem a ka sa, aku u dambulai cika. <sup>34</sup> U wece le, “Nte i cidangu yi?”

A wushunku yi, “Asheku, tuwa vu wene asu vi.”

<sup>35</sup> Aku Yesu dem u sai.

<sup>36</sup> Ama da a'ari kushani pini evu a danai, “I wene ta tyoku da wa ciga Li'azaru cika.”

<sup>37</sup> Shegai aza roku a le a danai, “U zuwa ta karumba ka wenei. Wari u gan ta u bishinka Li'azaru ukuwa.”

### *Yesu 'yangasai Li'azaru a ukpa*



<sup>38</sup> Eyi pini a kadambula ki, aku u banai a asu u kasaun vi. Kasaun ki tani kaaɓuru ka, kpam a kimbā tā ka n katali ka roku a utsutsu vi. <sup>39</sup> Aku u tonuko le, “Gindalākpai katali ki a ikengi.”

Shegai Marta danai, “Asheku, vu reve tā Li'azaru kuwā de a'ayin a nishi, kāwan ka yan tā pini.”

<sup>40</sup> Yesu tonuko yi, “Vu āsānā an n tonuko vu, ‘Vu wushuku baci va wene tā tsupige tsu Kashilā?’”

<sup>41</sup> Aku a gindalākpai katali ki a ikengi. U webelei zuba u danai, “Tata, n cikpa vu tā an vu panaka mu. <sup>42</sup> N reve tā vu tsu panaka mu tā maco, shegai n dana tā nala adama a ama dā a kyawan mu na vi. Ma ciga tā a wushuku an adā vu suku mu.”

<sup>43</sup> An u kotsoi kvasu, aku u salai, “Li'azaru, wutā!” <sup>44</sup> Aku u wutāi. Akere n a'ene a ne ucaci n aminya a eri, a cacai kpam upetiwa'eshi u ne n kunya.

Aku Yesu danai, “Surukpa ni i āsakā yi u wala.”

### *A sheshei tsarā a wuna Yesu*

*(Matiyu 26:1-5; Marku 14:1-2; Luka 22:1-2)*

<sup>45</sup> Ama ushani a dā a tuwāi tsarā a wene Meri vi a wenei ili i'ya Yesu yain, aku a wushuki n eyi.

<sup>46</sup> Aza roku a le a banai a asu u Afarishi a tonuko le ili i'ya Yesu yain. <sup>47</sup> Aku adarākpi a pige n Afarishi a ɓolomgbonoi Asheshi a Pige a asu u te, a danai, “Ndya tsa yan? Vuma u na wa yansa tā ikunesavu ushani. <sup>48</sup> Tsu āsakā yi baci u lyai kapala n uyansa ili i na yi, ya dem wa wushuku tā n eyi. Aku asoje a aza a Roma a tuwā a wacinsa Kuwa ku Kashilā ku tsunu n uyamba u tsunu.”

<sup>49</sup> Uza roku a asuvu a Asheshi a Pige yi; wata, Kayafa, uza dā wāri Magono ma Adarākpi a kayen

ki, u danai, “Eda i reve ili i'ya i'ari pini wa! <sup>50</sup> Nida ya asa<sub>ka</sub> uyamba gba u kuwa? Wa la ta tsulobo uza u te u na vi u kuwa n u da a ama gba a ka kuwa.”

<sup>51</sup> Uyawunsa u na vi a katakasuvu ka Kayafa ka u wuta<sub>i</sub> wa. Shegai an wari Magono ma Adarakpi a kayen ka nala ki da i zuwai wa yan kadyanshi ka ili i'ya ya tuwa ya gita: Dana da wa dana Yesu wa kuwa ta adama a aza a Yahuda. <sup>52</sup> Adama a unyushi u aza a Yahuda a da koshi Yesu wa kuwa wa. Wa kuwa ta tsara u bolomgbono ama a Kashila a da a wacinsai a asuvu a likimba. <sup>53</sup> Kain ka nala ki ka azapige a aza a Yahuda a gitai ufobuso tyoku da a ka wuna Yesu.

<sup>54</sup> Adama a nala, Yesu doku u wala a kateshe a Yahuda wa, aku u asakai Urishelima. U lazai ubana a ilyuci i Ifuramu, i'ya i'ari a ikengi i kakamba, aku u dusuki de n atoni a ne.

<sup>55</sup> An a yain evu n Abiki a Upasambana, aku ama ushani aza da a'ari a ilyuci i kenu kenu a lazai ubana a Urishelima kahu abiki yi, tsara a wulukpe kaci ka le tyoku da Mele ma danai a yansa. <sup>56</sup> A ka ciga a wene Yesu, ele pini a Kuwa ku Kashila ki, aku a ka wecemgbene, “Nda i wenei? Wa tuwa gba<sub>m</sub> a asu u abiki vi?” <sup>57</sup> Adarakpi a pige n Afarishi yi a tonukoi ama, uza da baci dem u wenei Yesu, u tonuko le, kotsu a kana<sub>i</sub> yi.

## 12

### *Meri tsunki Yesu manivi ma magulani*

<sup>1</sup> An a'ayin a teli a wokoi kahu Abiki a Upasambana yi, Yesu banai a Batani u rawai a kuwa ku Li'azaru uza da u yangasai a ukpa. <sup>2</sup> A fobusukoi

Yesu ilikulya, Marta aya uza da wa pecike ilikulya, Li'azaru kpm wa ta pini ndishi kabolo n aza da a ka lya ilikulya n eyi. <sup>3</sup> Aku Meri bidyai kolubo u manivi ma mari n ikebe cika u pige, u tsunki Yesu a a'ene. U yansai ma n kenji ka ne. Magulani ma manivi mi ma shadangi kuwa ki.

<sup>4</sup> Katoni ka a ka isa Yahuza Isikariyoti wa ta dem pini. Aya wa tuwa wa neke Yesu a asu u azapige. U danai, <sup>5</sup> “Manivi ma nala mi ma rawa ta ikebe i'ya uza wa yan manyan ma kayen ka te.\* Wari u gan ta a denge ma, aku a naka aza a unambi.” <sup>6</sup> Shegai Yahuza vi u dambula gbam n aza a unambi yi wa. U dana ta nala kpaci kaboki ka. Aya uza da wa banan makpakata ma ikebe kpm u tsu bidya ta i roku u yanka manyan ma kaci ma ne.

<sup>7</sup> Shegai Yesu tonuko yi, “Kotsu vu damgbarasa yi wa. U yan ta nala tsara u fobuso ikyamba i va adama a kacida. <sup>8</sup> Ya rongo ta n aza a unambi maco, shegai ya rongo na mpa maco wa.”

### *A ka ciga a wuna Li'azaru*

<sup>9</sup> A'ari pini, aku kakuma ka ama ka panai a da Yesu rawa de a Batani. Aku a banai an u wokoi Yesu wari de, kpm tsara a wene Li'azaru uza da Yesu 'yangasai a ukpa vi. <sup>10</sup> Adarakpi a pige yi a fobusoi dem tsara a wuna Li'azaru. <sup>11</sup> Adama a Li'azaru, ama ushani a asaka le utono, aku a ka wushukusu n Yesu.

### *Yesu uwai a Urishelima*

*(Matiyu 21:1-11; Marku 11:1-11; Luka 19:28-40)*

---

\* **12:5** Akorongi a cau a cau a kagita a korongu ta “ikebe i azurufa 300.” Kondo “Ikebe i azurufa” a kaci ka idani ka “Ikebe” a Idani i U6anga.

<sup>12</sup> An kain ka wansai, aku kakuma ka ama ka ka tuwai uyan Abiki a Upasamgbana vi, a panai a da Yesu da pini utuwa a Urishelima. <sup>13</sup> Aku a bidisai akere a nshuwan tsara a ba a gawunsa n eyi, n a salasi,

“Hosana, † cikpalai Kashila!”

“Kashila ka zuwuka uza da wari a utuwa a asuvu a kala ka Magono ma Zuba una u shinga! Kashila ka zuwuka Magono ma aza a Isara'ila una u shinga.”

<sup>14</sup> An Yesu tsarai maku ma makparyagi ma roku, u yuwai ma. Tyoku da Tagarada u Kashila u danai u da la vi,

<sup>15</sup> “Aza a Sihiyona, ‡ kotsu i pana uwonvo wa!

Magono ma de ma pini a utuwa, uyuwi a maku ma makparyagi.” ◇

<sup>16</sup> A a'ayin a nala yi, atoni a ne kotsu a reve n ukuna vi wa. Shegai a ubana a kapala, an a tuwai a 'yangasa yi ubana a tsupige, da a cibai an Tagarada u Kashila u danai ukuna vi a kaci ka ne, hal gbam a yanka yi u da de.

<sup>17</sup> Ama da pini ushani kabolo n Yesu a'ayin a da u 'yangasai Li'azaru a ukpa, kpam u tonuko yi u wuta a kasaun ki. Gogo-na alya a ka tonusuko ama ili i'ya u yain. <sup>18</sup> Ama ushani a bana ta tsara a cina Yesu, kpaci a pana ta ukuna u ukunosavu vi. <sup>19</sup> Aku Afarishi yi a ka dansa utyoku u le, “Wundyai, tsu rukpa de gba gba! Likimba gba aya a ka tono!”

---

† 12:13 “Hosana” idyani i'ya ama a tsu danasa uzapige i'ya tsara a naka yi tsupige. Kalen ka ne ka, “Kashila ka wauwa yi!” ko kpam

“A cikpala yi.” ‡ 12:15 Sihiyona kala ka dem ka Urishelima.

◇ 12:15 Zak. 9:9.

### *Nheline n roku ma ciga n wene Yesu*

<sup>20</sup> Nheline n roku n bana t̄a a Urishelima ulya kayala a'ayin a Abiki a Upasamgbana. <sup>21</sup> A banai ara Filibu (uza ɗa u wutaɗi a ilyuci i Besaida a Galili) a danai, “Uzapige, tsa ciga t̄a tsu wene Yesu.” <sup>22</sup> Filibu banai u tonukoi Andurawu, aku a lazai ama a re a le a ba a tonukoi Yesu.

<sup>23</sup> Aku u tonuko le, “A'ayin a yan ɗe a ɗa Maku ma Vuma ma wusha tsupige tsu ne. <sup>24</sup> Mayun n tonuko ɗa, ucun u ulya u te u rukpa baci a iyamba u kuwai wa, wa la u te vi wa. A'ayin a ɗa baci u kuwai, aku u woko ushani. <sup>25</sup> Uza ɗa baci wa ciga uma u ne a likimba u naha, wa namba t̄a u ɗa. Uza ɗa baci u 'yuwain uma u ne a likimba u naha, wa tsara t̄a uma u ɗa bawu wari n utyoku. <sup>26</sup> Uza ɗa baci wa ciga u gbashika mu u kana t̄a u tonu mu, tsara kagbashi ka va ka rongo a asu u ɗa baci dem mari, kpam Tata u va wa naka t̄a uza ɗa baci dem u gbashika mu tsupige.”

### *Yesu dansai ukuna u ukpa u ne*

<sup>27</sup> Yesu lyai kapala n kadyanshi, “Gogo-na n dambula t̄a cika. Nɗya ma dana? N dana wa, ‘Tata, wauwa mu a a'ayin a na yi’? Nala wa, n tuwa t̄a a'ayin a na adama a na, tsara n pana ikyamba. <sup>28</sup> Tata, wenike ama tsupige tsu vunu!”

Aku kalagatsu ka wutaɗi a zuba ka danai, “N wenike t̄a tyoku ɗa mari n tsupige kpam ma doku t̄a ma wenike.”

<sup>29</sup> Kakuma ka ama ka kari pini kushani vi a pana t̄a kalagatsu ki, aku aza roku asuvu a le a danai makpankashila ma. Shegai aza roku a danai, “Katsumate ka zuba ka ka dansai n eyi!”

<sup>30</sup> Aku Yesu tonuko le, “Adama a de a da kalagatsu ki ka tuwai, adama a va a da wa.

<sup>31</sup> Gogo-na a'ayin a yan de a da Kashila ka yanka ama a likimba afada. Kpam dem a'ayin a da, a da wa loko uza da wa lya tsugono tsu likimba u na.

<sup>32</sup> A 'yangasa mu baci a zuba u mawandangbani, ma zuwa ta ya dem u tuwa ara va.” <sup>33</sup> Yesu dana ta nala tsara u wenike tyoku da wa kuwa.

<sup>34</sup> Kakuma ki ka danai, “Mele ma tsunu ma tonuko tsu ta Kawauwi ka rongo ta n uma hal ubana. Nida va dana a ka 'yangasa ta Maku ma Vuma a zuba u mawandangbani? Ya Maku ma Vuma mi?”

<sup>35</sup> Yesu wushuki, “Ya tsara ta katyashi a'ayin kenu. Rongoi a nwalu a'ayin a da i'ari a katyashi, tsara i tadatsa wa a'ayin a da baci karimbi ka danda da. Shegai ya wala baci a karimbi, ya fuda ya reve asu u da ya bana wa. <sup>36</sup> Wushuki n uza da u tsu zuwa katyashi ka tuwa tun wari kabolo n ada, tsara i woko aza da a a'ari a katyashi.”

### *Aza roku a 'yuwain uwushuku n Yesu*

An Yesu danai nala, aku u lazai u ba u kpawain tsara a wene yi wa. <sup>37</sup> Ko an u woko i yansai ikunesavu a kapala ka le, a wushuku n eyi wa.

<sup>38</sup> Nala gita ta tsara ili i'ya Ishaya matsumate u danai i shadangu,

“Magono ma Zuba, ya wushuki n ili i'ya tsu danai? Magono ma Zuba, ya vu wenikei ucira u vunu?” ◇

<sup>39</sup> Matsumate mi ma doku ta ma danai, ili i'ya i zuwai a kpadai uwushuku i'ya na:

<sup>40</sup> “Magono ma Zuba ma zuwa ta a'eshi a ama yi a rumbanai, kpm u zuwa le a ryagbajai. Mpa Magono ma Zuba, n yan ta nala tsara a wene ko a reve wa, kpm kotsu a kpatala utuwa ara va, tsara n tanasa le wa.” ◇

<sup>41</sup> Matsumate mi ma dana ta nala kpaci u wene ta tsupige tsu Yesu, kpm u dansai ukuna u ne.

<sup>42</sup> A'ayin a nala yi, azapige ushani a wushuku ta n eyi. Shegai an a ka pana uwonvo u Afarishi, a kawan a dansa u da a kateshe wa, kotsu a wutukpa le a asuvu a kagata ka Kashila wa. <sup>43</sup> A tsu la ta uciga icikpali i ama kapala n icikpali i Kashila.

*Yesu tuwa ta u wauwa likimba*

<sup>44</sup> Yesu 'yangasai kalagatsu ka ne u danai, “Gba uza da baci dem u wushuki na mpa, na mpa da koshi u wushuku wa, hal dem n uza da u suku mu da u wushuki. <sup>45</sup> Uza da kpm u wene mu, u wene ta dem uza da u suku mu. <sup>46</sup> N tuwa ta a likimba n woko katyashi, tsara uza da baci dem u wushuki na mpa u rongo a asuvu a karimbi wa.

<sup>47</sup> “Uza da u panai kadyanshi ka va aku u 'yuwain ka utono, mpa ma kidaga yi ugana wa. Kpaci n tuwa tsara n kidaga likimba ugana wa, shegai n wauwa u da. <sup>48</sup> Uza da wa kidaga uza da u 'yuwan mu ugana aya pini; wata, kadyanshi ka n dansai, ka ka kidaga yi ugana kain ka makorishi.

<sup>49</sup> Ili i'ya n wenishikei ara va da i wutai wa. Tata u da u suku mu aya u tonuko mu ili i'ya ma dana n i'ya ma wenishike. <sup>50</sup> N reve ta ili i'ya u danai ama

a yain i zuwa ta ama a yain uma hal ubana. Da i zuwai n tonuko da dere ili i'ya Tata u tonuko mu.”

## 13

### *Yesu bacangusi a'ene a atoni a ne*

<sup>1</sup> Cina u woko kain ka te kahu kain ka Abiki a Upasambana ka yain. Yesu reve ta a'ayin a yan de a da wa asaka likimba u na u gono a asu u Tata. Wa ciga ta ama a ne a da a'ari a likimba, kpm gogo-na pini na u wenike le ta uciga vi gba gba bawu utyoku.

<sup>2</sup> Yesu n atoni a ne a ka lya ka6olo n kuvuli. Cina Kalapansi ka zuwa de Yahuza Isikariyoti maku ma Simo u yawunsa tsara u neke yi. <sup>3</sup> Yesu reve ta Tata naka yi ta ucira u ili gba, u wuta ta a asu u Kashila, kpm nte wa gono de ara ne. <sup>4</sup> An a'ari a ulya ilikulya, Yesu 'yangai u mondoi matogo ma pige ma ne, aku u sirai mayaga a cuku tsu ne. <sup>5</sup> U tsungi mini a kabelu u gitai ubacangusa a'ene a atoni a ne, aku u yansai a da n mayaga ma u sirai a cuku tsu ne tsi.

<sup>6</sup> Yesu tuwai ara Simo Bituru, eyi kpm u tonuko yi, “Asheku, ada va ciga vu bacangusu mu a'ene?”

<sup>7</sup> Yesu wushunku yi, “Vu reve ili i'ya mari uyan wa, shegai va tuwa ta va reve.”

<sup>8</sup> Bituru danai, “Nala wa, va bacangusu a'ene a va wa.”

Yesu wushuki, “N bacangusu baci a'ene a vunu wa, avu uza u te da a asuvu a ama a va wa.”

<sup>9</sup> Simo Bituru danai, “Asheku, bacangusu gbam a'ene a va koshi wa! Sawa mu dem akere n kaci.”

<sup>10</sup> Yesu danai, “Vuma u sumba baci, ikyamba i ne gba i tsu takpa ta sarara. A'ene a ne a da koshi



wa bacangusu. Eda ama i'a ta sarara, shegai gba de da wa.” <sup>11</sup> Yesu reve ta uza da wa kpatalaka yi, da gai i zuwai u danai, “Gba de da i'ari sarara wa.”

<sup>12</sup> An u kotsoi u bacangusu a'ene a le gba, aku u ukai matogo ma ne u gonoi u dusuki. U wece le, “I reve ili i'ya n yanka da gogo-na vi? <sup>13</sup> I tsu isa mu ta ‘Kawenishiki’ n ‘Asheku’ kpm dere da wari, kpaci ili i'ya mari i'ya la vi. <sup>14</sup> Mpa, Asheku n Kawenishiki, n bacangusu ta a'ene a de gogo-na. Eda dem i bacangusu a'ene a atoku a de. <sup>15</sup> N yan ta nala tsara u woko da iryoci tsara i yain dem tyoku da n yanka da. <sup>16</sup> Mayun n tonuko da, kagbashi ka tsu la uzakuwa u ne tsupige wa. Katsumate ka tsu la uza da u suku yi tsupige wa. <sup>17</sup> I reve ta ili i na yi gba kpm Kashila ka zuwuka da ta unu u shinga i tono baci i'ya.

<sup>18</sup> “Gba de da ma yanka kadyanshi wa. N reve ta aza da n dangasai. Shegai u kana ta ili i'ya Tagarada u Kashila u danai i woko mayun. Kpm a dana ta, ‘Vuma da wa lya kaɓolo na mpa u kpatalaka mu ta kucina!’

<sup>19</sup> “Tonuko da ma tonuko da kahu ukuna vi u gita, tsara u gita baci kotsu i wushuku an mpa mari uza da wari pini maco. <sup>20</sup> Mayun n tonuko da, uza da baci u wushai katsumate ka va, mpa u wushai. Uza da baci kpm u wusha mu, u wusha ta uza da u suku mu.”

*Yesu danai ili i'ya ya gita n eyi  
(Matiyu 26:20-25; Marku 14:17-21; Luka 22:21-23)*

<sup>21</sup> An Yesu danai nala, u dambula ta cika. U tonuko le a kateshe, “Mayun n tonuko da, uza u te de wa neke mu ta.”

<sup>22</sup> A fuda a reve gbam kalen ka kadyanshi ka Yesu yain wa. Aku a ka wundyamgbana. <sup>23</sup> Uza u te a asuvu a atoni yi uza da Yesu wa uciga cika wa ta ndishi evu n eyi. <sup>24</sup> Simo Bituru yanka yi iryoci n kukere u danai, “Wece yi, ya wa dansaka?”

<sup>25</sup> Katoni ki ka rabai evu n Yesu ka wece yi, “Asheku, ya va dansaka a asuvu a tsunu?”

<sup>26</sup> Yesu wushuki, “Ma daɓa ta kawon ka na a kusan. Uza da baci n nakai ka, aya gai wa kpatalaka mu vi.” Aku u daɓai kawon ki a kusan u nakai Yahuza maku ma Simo Isikariyoti. <sup>27</sup> An Yahuza wushai kawon ki, aku Kanangasi\* ka uwa yi.

Yesu danai, “Yahuza, wala gogo vu ba vu yain ili i'ya va yan.” <sup>28</sup> Uza wa la a asuvu a aza da a ka lya kabolo n Yesu u revei kalen ka ili i'ya i zuwai u tonuko yi nala wa. <sup>29</sup> Shegai adama a da wari kazuwi ka ikebe ka le, aku a yawunsai a da tonuko da Yesu tonuko yi u ba u tsupa ikebe i ilikulya ko kpam u ba u nei aza a unambi ikebe. <sup>30</sup> An u lyuki kawon ka Yesu naka yi vi, aku u wuta n maloko, n kayin ka tani.

### *Mele ma savu*

<sup>31</sup> An Yahuza lazai, Yesu danai, “A'ayin a tuwa ta a da mpa Maku ma Vuma ma uwa a asuvu a tsupige tsu va, kpam Kashila ka wusha ta tsupige adama a ili i'ya ya gita na mpa. <sup>32</sup> Kashila ka wusha baci tsupige adama a va, Kashila n kaci ka

---

\* **13:27** Kanangasi; wata, “Shetan” kala ka dem ka Kalapansi.

ne wa wenike t̄a ama tyoku d̄a tsupige tsu Maku ma Vuma tsi ts̄ari gogo.

<sup>33</sup> “Mmuku n v̄a, ma ts̄a t̄a n b̄ar̄akpa n aḍ̄a kenu. Ya tuw̄a t̄a ya zama mu, shegai ya wene mu wa. N tonuko d̄a tyoku d̄a n tonukoi ama, ‘Ya bana a asu u d̄a ma bana wa.’

<sup>34</sup> “Shegai mele ma savu ma ma n̄ak̄a d̄a. I cigi atoku a d̄e dere tyoku d̄a n ciga d̄a. <sup>35</sup> Ya cigangbana baci, ya dem wa reve t̄a eḍ̄a atoni a v̄a a d̄a.”

*Yesu danai Bituru wa nana yi t̄a*

*(Matiyu 26:31-35; Marku 14:27-31; Luka 22:31-*

*34)*

<sup>36</sup> Simo Bituru wecei Yesu, “Asheku, nte va bana?”

Yesu wushuki, “Asu u d̄a ma bana ya fud̄a ya bana wa, shegai ya tuw̄a t̄a ya bana.”

<sup>37</sup> Bituru wece yi, “Asheku, ndya i zuwai bawu ma tono vu gogo-na? M̄a t̄a ufoḅusi ts̄ar̄a n kuw̄a adama a vunu!”

<sup>38</sup> Yesu wece yi, “V̄ari ufoḅusi vu kuw̄a adama a v̄a? Mayun n tonuko vu, kahu kapen ka sala, va nana mu t̄a hal kutatsu, vu dana vu reve mu wa.”

## 14

*Yesu d̄a ure ubana a asu u Tata*

<sup>1</sup> Yesu tonukoi atoni a ne, “Kotsu i dambula wa. Wushuki n Kashil̄a, i wushuku kpam n̄a mpa. <sup>2</sup> A'unu a d̄a pini ushani a kuwa ku Tata u v̄a, kpam nte ma bana d̄e ts̄ar̄a n foḅusuko d̄a asu. A da baci nala w̄ari wa, m̄ari ma tonuko d̄a t̄a. <sup>3</sup> A'ayin a d̄a baci n yain nala, aku n gono n bidya d̄a ubana ara

va, aku tsu rongoi de kabolo. <sup>4</sup> I reve ta ure u asu u da ma bana.”

<sup>5</sup> Toma tonuko yi, “Asheku, tsu reve asu u da va bana wa. Nida tsa reve ure u ubana de?”

<sup>6</sup> U wushuki, “Mpa ure u da wa wenike ukuna u maci u Kashila, u naka k pam ama uma. Uza wa la wa bana a asu u Tata wa, she u tono mu. <sup>7</sup> I reve mu baci, ya reve ta dem Tata u va. Shegai gogo-na i reve yi ta, k pam i wene yi ta.”

<sup>8</sup> Filibu danai, “Asheku, wenike tsu Tata vi, kpaci ili i'ya tsa ciga i'ya la vi koshi.”

<sup>9</sup> Yesu wushuki, “Filibu, n rongo ta n ada a'ayin ushani. Ndy a i zuwai vu kpa dai ureve ko ya mpa mari? Uza da baci dem u wene mu, u wene ta dem Tata vi. Nida vu danai ‘Wenike tsu Tata vi?’ <sup>10</sup> Vu wushuku an mpa ili i te i'ya tsari n Tata vi, k pam Tata vi ili i te na mpa wa? Kadyanshi ka n yanka da ara va da ka wuta i wa. Tata da wari a asuvu a va, aya u tsu yan ili i'ya wa ciga u yain. <sup>11</sup> Wushuki na mpa an n danai Tata vi ili i te i'ya tsari, k pam mpa vi ili i te i'ya tsari n Tata vi. Ya wushuku baci adama a kadyanshi ka va wa, u gan ta i wushuku adama a ikunesavu i na yi. <sup>12</sup> Mayun n tonuko da, uza da baci u wushuki na mpa, wa fuda ta wa yan dere ili i'ya n yansai. Mayun da, aza da a wushuki, a ka yan ta hal gbam ili i'ya i lai la, kpaci ma bana ta ma rongoi de n Tata u va. <sup>13</sup> K pam i folo baci ili a asuvu a kala ka va, ma yanka da ta i'ya, tsara Maku mi ma tuko tsupige a asu u Tata. <sup>14</sup> Ma yan ta ili i'ya baci dem i folo a asuvu a kala ka va.

### *Kazuwamgbani ka utuwu u Kulu Keri*

<sup>15</sup> “Ya ciga mu baci, ya yan ta ili i'ya n danai i yain. <sup>16</sup> Ma folo ta Tata, eyi k pam wa naka da ta

Kaḅangi ka roku, uza ḁa wa rongo n ḁḁa hal ubana. <sup>17</sup> Aya Kulu Keri ka ku tsu wenike ukuna u maci u Kashila. Ama a likimba a wusha yi wa, kpaci a wene yi ko a reve yi wa. Shegai i reve yi ta, kpaci u rongo ta ara ḁe kpam wa rongo ta a asuvu a ḁe. <sup>18</sup> N laza baci, ma ḁsaka ḁa utyoku u ḁe tyoku u mkpan wa, ma gono ta ara ḁe. <sup>19</sup> A'ayin kenu ama a likimba a na a ka fuda a wene mu wa, shegai eḁa ya wene mu ta. Kpam adama a ḁa mari n uma, eḁa dem ya yan ta uma. <sup>20</sup> Kain ka nala ka tuwa baci, ya reve ta an ili i te i'ya mari n Tata vi. Ya reve ta eḁa dem ili i te i'ya i'ari na mpa, mpa kpam ili i te i'ya mari n ḁḁa. <sup>21</sup> Uza ḁa baci dem wa ciga mu, wa yan ta ili i'ya n danai, kpam Tata u va wa ciga yi ta. Mpa dem ma ciga yi ta, kpam n wenike yi ko mpa yayi.”

<sup>22</sup> Aku Yahuza (shegai Yahuza Isikariyoti wa), u danai, “Asheku, ndya i zuwai vu foḁusoi vu wenike kaci ka vunu ara tsunu, bawu va wenike kaci ka vunu a asu u ama a likimba a ḁa a buwai?”

<sup>23</sup> Yesu wushuki, “Ama a ciga mu baci, a ka yan ta ili i'ya n tonuko le a yain. Tata u va wa ciga le ta, aku tsu tuwa ara le tsu dusuku n ele. <sup>24</sup> Shegai uza ḁa baci bawu wa ciga mu, u tsu yan ili i'ya n danai wa. Ili i'ya i panai n danai na vi, ara va ḁa i wuta wa, shegai ara Tata ḁa u suku mu.

<sup>25</sup> “N tonuko ḁa ta ili i na yi tun mari kaḅolo n ḁḁa. <sup>26</sup> Kaḅangi ki ka wenishike ḁa ta ili dem, kpam wa zuwa ḁa ta i ciba gba ili i'ya n tonuko ḁa. Kaḅangi ka nala ki aya Kulu Keri ka Tata wa suku n kala ka va. <sup>27</sup> N zuwa ḁa ta i panai mazanga a atakasuvu a ḁe. Iacun i mazanga ma mari a katakasuvu ka va ka ma zuwa ḁa i tsara. N zuwa ḁa i tsara ndishi

n shinga n na mi dere tyoku da ama a likimba a zuwa da i tsarai wa. Adama a nala kotsu i namgba katsuma ko i pana uwonvo wa.

<sup>28</sup> “I pana ka mu ta an n danai ma laza ta kpam ma bana ta ma gono ara de. Ya ciga mu baci mayun, u gan ta i yain mazanga ma ma gono ara Tata, kpaci u la mu ta tsupige. <sup>29</sup> N tonuko da ta ili i na yi gba gogo-na kahu i tuwa i gita, tsara i gita baci, i wushuku. <sup>30</sup> Ma barakpa n ada na n dansi wa, kpaci uza da wa lya tsugono tsu likimba u naha wa ta a utuwa. Shegai wa n ucira a kaci ka va wa. <sup>31</sup> Ili i'ya Tata u va u tonuko mu n yain i'ya n tsu yan, tsara ya dem a likimba u reve ma ciga yi ta.

“Gogo-na tuwai tsu walai.”

## 15

### *Katyaci n atyangi*

<sup>1</sup> Yesu lyai kapala n kadyanshi n atoni a ne, “Mpa kami ka katyaci ka mayun. Tata u va u da kacimbi. <sup>2</sup> Katyangi ka baci kari a asuvu a va bawu ka matsai, aku u kapa ka. U tsu gyara ta kpam u lapula kyangi ka baci dem ka matsasa tsara ka doku ka matsa cika. <sup>3</sup> Ili i'ya n tonuko da i zuwa ta i lapulai. <sup>4</sup> Ya rongo baci kabolo na mpa, ma rongo ta dem kabolo n ada. Katyangi ka tsu matsa n kaci ka ne wa. Kafuda ta ka matsa ka baci kabolo n kami ka ne. Nala dem eda ya fuda ya yan ili wa, she i'a kabolo na mpa.

<sup>5</sup> “Mpa kami ka katyaci ki, eda atyangi. Uza da baci wa rongo kabolo na mpa, mpa kpam ma rongo kabolo n eyi, wa matsa ta ilimaci cika. Shegai ya fuda ya yan ili wa, she n banga da. <sup>6</sup> Uza

da baci bawu wari kaɓolo na mpa, wa ta tyoku u katyangi ka a varangi aku ka ekpei. Ama a tsu bidya ta atyangi a ekpi tsara a varangu a da a akina, a runukpa a da. <sup>7</sup> I rongo baci kaɓolo na mpa kpam i tonoi uwenishike u va, ya folo ta Tata ili i'ya baci dem ya ciga, eyi kpam wa naka da ta i'ya. <sup>8</sup> Ya matsasa baci ilimaci ushani, nala wa wenike ta ama eda atoni a va a da, kpam ya wenike ta ama tsupige tsu Tata u va.

<sup>9</sup> “Ma ciga da ta tyoku da dem Tata wa ciga mu. Gogo-na rongoi a asuvu a ucigi u va. <sup>10</sup> I yan baci ili i'ya n danai, ya rongo ta a asuvu a uciga u va. Tyoku da n yain ili i'ya Tata u va u tonuko mu n yain, kpam ma rongo a asuvu a uciga u ne. <sup>11</sup> N tonuko da ta ili i nala yi tsara i tsara mazanga ma dem n tsara, kotsu mazanga ma de ma namba ili wa. <sup>12</sup> Ili i'ya ma tonuko da i yain i'ya na: Cigai atoku a de tyoku da dem mpa n ciga da. <sup>13</sup> Vuma u kuwa baci adama a kaje ka ne, nala wenike ta an wari n uciga u pige u da u lai u ya dem.

<sup>14</sup> Eda aje a va a da, i tono baci ili i'ya n danai. <sup>15</sup> N buwa da kpam u'isa agbashi wa, adama a da uzakuwa u tsu tonuko agbashi a ne ili gba wa. Shegai n isa da ta aje kpaci n tonuko da ta gba ili i'ya Tata u va u tonuko mu. <sup>16</sup> I dangasa mu wa, mpa n dangasa da. Kpam n naka da manyan ma na i yain: walai i ba i matsa ilimaci, icun i ilimaci i'ya ya barakpa. Aku Tata u naka da gba ili i'ya baci dem i foloi n kala ka va. <sup>17</sup> Ili i'ya n tonuko da i yain i'ya na: Cigai atoku a de.

*Ama a likimba a kovi atoni*

18 “Ama a likimba a na a kovo dā baci, cibai a gita tā a kovo mu. 19 Edā aza a likimba a dā baci, wa ciga dā tā tyoku dā u tsu ciga ama a ne. Shegai n dangasa dā tā a asuvu a likimba, kotsu i woko ama a ne wa. Da i zuwai likimba u kovo dā. 20 Cibai ili i'ya n tonuko dā: Kagbashi ka tsu la uzakuwa u ne tsupige wa. Ama a yanka mu baci mavura, a ka yanka dā tā dem. Kpam a yan baci ili i'ya n wenishike le, a ka yan tā dem ili i'ya ya tonuko le. 21 Shegai a ka yan dā tā mavura adama a dā i'ari ama a vā. A ka yan tā nala kpaci a reve uza dā u suku mu wa. 22 A da baci n tuwāi n dansai n ele wa, a'ari a ka yan n unyushi u unyushi u cingi wa. Shegai gogo-na a'a n ure u uwuta a unyushi u cingi u le wa. 23 Uza dā baci dem u kovo mu, u kovo tā dem Tata u vā. 24 N yan tā ikunesavu cika i'ya bawu uza kotsu u yain. A da baci mari n yain manyan ma nala wa, a'ari a ka yan n unyushi u unyushi u cingi wa. Shegai gogo-na a wene tā ili i'ya n yain, gbā n nala a kovo mu n Tata u vā dem. 25 Nala gita tā tsara ili i'ya i'ari ukorongi a Mele ma le i woko mayun: ‘A kovo mu bawu kagita.’ ◇

26 “Ma sukunku dā tā uza dā a ka isa Kaḅangi. Wa wuta tā a asu u Tata, aku u tuwā ara de. Aya Kulu ku mayun. U tuwā baci, wa dansa tā ukuna u vā. 27 Edā dem u kana tā i tonuko ama ukuna u vā, kpaci i rongo tā kaḅolo nā mpa tun a'ayin a dā n gitai uwenishike.”

## 16

1 Yesu lyai kapala n kadyanshi, “N tonuko dā tā ukuna u na kotsu i asaka uwushukusu nā mpa wa.

◇ 15:25 Ishp. 35:19; Ishp. 64:4.



<sup>2</sup> A ka loko dā tā a agata a Kashilā. Kpam a'ayin a ka tuwā tā a dā ama a ka wunusa dā, a yan baci nala a ka wene tā yavu Kashilā ka a ka gbashika. <sup>3</sup> A ka yansa tā ikuna i nala yi kpaci a reve Tata vi wa, kpam a reve mu wa. <sup>4</sup> Shegai n tonuko dā tā ukuna u na vi gampa, tsarā a'ayin yi a rawa baci a dā a ka yan ikuna i nala yi, ya cīfa tā ili i'ya n tonuko dā.

### *Manyan ma Kulu Keri*

“A'ayin a dā n gitai uwenishike, n tonuko dā ili i na yi wa, adama a dā mari kabolo n aḍā. <sup>5</sup> Gogo-na ugono u dā mu a asu u uza dā u suku mu. Shegai ko uza a asuvu a de wā la u wece mu, ‘Nte va bana?’ wa. <sup>6</sup> Gogo-na an n tonuko dā, atakasuvu a de a shadangu de n unamgbukatsuma. <sup>7</sup> Shegai ukuna u mayun u dā ma tonuko dā, wa laka dā tā tsulobo n laza. N laza baci, ma sukunku dā tā Kabangi ki. Shegai n laza baci wa, Kabangi ka nala ki ka tuwā wa. <sup>8</sup> A'ayin a dā baci Kabangi ki ka tuwāi, wa wenike tā ama a likimba an a nusai a udani u dā a danai, ‘Tsu reve tā n ukuna u unyushi u cingi, tsu reve tā kpam n ili i'ya i'ari dere, n tyoku dā Kashilā ka tsu yanka unyushi u cingi afada.’ <sup>9</sup> A nusa tā a ukuna u unyushi u cingi, adama a dā bawu a wushuki nā mpa. <sup>10</sup> A nusa tā a ukuna u ili i'ya i'ari dere, kpaci a asu u Tata u dā ma bana kpam ya doku ya wene mu wa. <sup>11</sup> A nusa tā a ukuna u afada, kpaci Kashilā ka kidāga de uza dā wa lya tsugono tsu likimba u na ugana.

<sup>12</sup> Mā tā n ili ushani i'ya ma ciga n tonuko dā, shegai gogo-na i la tā ucira u dā ya reve. <sup>13</sup> A'ayin a dā baci Kulu ka ku tsu wenike ukuna u mayun u Kashilā ku tuwāi, ka zuwa dā tā i reve gbā ikuna i

mayun i'ya i tsu wuta a asu u Kashila. Wa dansa ili i'ya i wutai ara ne wa, shegai u dansa ili i'ya u panai koshi, kpam wa tonuko da ta ili i'ya ya tuwa. <sup>14</sup> Wa naka mu ta tsupige, kpaci wa bidya ta ili i'ya n danai u tonuko da. <sup>15</sup> Gba ili i'ya Tata wari n i'ya, i va i'ya dem. Da gai i zuwai n danai Kulu ka bidya ta ili i'ya n danai u tonuko da vi.

*Unambukatsuma wa woko ta mazanga*

<sup>16</sup> “A'ayin kenu ya wene mu wa, a yan baci a'ayin kenu kpam aku i doku i wene mu.”

<sup>17</sup> Aza roku a asuvu a atoni a ne a ka dansa utyoku u le, “Ndya kalen ka kadyanshi ka Yesu danai vi, ‘A'ayin kenu ya wene mu wa, a yan baci a'ayin kenu kpam aku i wene mu.’ Kpam ndya kalen ka u danai ‘Adama a da ma gono a asu u Tata?’” <sup>18</sup> A doki a wecikei, “Ndya kalen ka ‘a'ayin kenu yi’? Tsu reve ili i'ya wa tonu wa.”

<sup>19</sup> Yesu reve ta atoni yi a ka ciga ta a yan yi keci a ukuna vi, aku u tonuko le, “Kaci ka de ka ya wecemgbenishe an n danai, ‘A'ayin kenu ya wene mu wa, a yan baci a'ayin kenu kpam aku i wene mu’? <sup>20</sup> Mayun n tonuko da, ya sa ta kpam i namgba katsuma, shegai likimba wa pele ta. Ya namgba ta katsuma, shegai unambukatsuma u de wa woko ta mazanga. <sup>21</sup> A'ayin a da baci uka wa matsa, u tsu pana ta mballa, kpaci a'ayin a ilimaci a ne a rawa de. Shegai u kotso baci ilimaci yi, aku u asansa na mballa mi, adama a da wari ipeli an u matsai maku mi a likimba. <sup>22</sup> Nala dem wari ara de. Gogo-na i namgba ta katsuma, shegai ma doku ta ma wene da, kpam i yain mazanga ma bawu ko uza wa fuda wa shamkpa da ma. <sup>23</sup> A'ayin a nala

a rawa baci, ya yan mu keci wa. Mayun n tonuko dā, Tata u vā wa nākā dā tā gbā ili i'ya baci i foloi n kala ka vā. <sup>24</sup> Kotsu i folo icun ili i na caupa wa. Rongoi ufoluso, Kashilā ka nākā dā tā i'ya, tsarā i shadangu n ipeli.

*Kawauwi ka lya tā kaci ka likimba*

<sup>25</sup> “N yan tā kadyanshi ka na ki n agisani, shegai a'ayin a ka tuwā tā a dā bawu ma doku ma yan nala. Aku n tonuko dā gbā ikuna i Tata karara. <sup>26</sup> Ya folo tā Tata vi n kala ka vā, shegai u kanā mpa n foluko dā Tata vi wa. <sup>27</sup> Kashilā Tata u ciga dā tā adama a dā ya ciga mu, kpam i wushuki an ara ne dā n wutai. <sup>28</sup> Asu u Tata u dā n wutai, aku n tuwāi a likimba. Gogo-na kpam ma asakā likimba n gono a asu u Tata.”

<sup>29</sup> Atoni yi a danai, “Gogo-na dā va dansa n atsu karara! N agisani a dā kpam va dansa wa. <sup>30</sup> Gogo-na dā tsu revei an vu revei ili gbā. Va wushunku tā uza keci ku ne tun kahu gbām u wecike. Nala u zuwa tsu tā tsu wushuki an a asu u Kashilā u dā vu wutai.”

<sup>31</sup> Yesu wushuki, “Mayun dā i wushuki gogo-na vi? <sup>32</sup> A'ayin a ka tuwā tā, kpam gbām a rawa dē, a dā a ka wacinsa dā gbā dē, ya dem u gono a kuwa ku ne, aku i asakā mu utyoku u vā. Shegai Tata wa rongo tā kaḅolo nā mpa, adama a nala ma rongo utyoku u vā wa.

<sup>33</sup> “N tonuko dā tā ikuna i na yi tsarā i tsarā ipeli i maci adama a dā i wokoi ili i te nā mpa! Likimba wa zuwa dā tā i pana ikyamba, shegai kotsu i gbama asuvu, kpaci n lya tā kaci ka ucira u likimba.”

# 17

## *Yesu yankai atoni a ne kvasu*

<sup>1</sup> An Yesu kotsoi udansa gba ili i na yi, u webelei zuba u danai, “Tata, a'ayin a yan de. Naka Maku ma vunu tsupige, tsara Maku mi dem ma naka vu tsupige. <sup>2</sup> Vu naka ta Maku mi ucira a kaci ka ama gba, tsara Maku mi ma naka uma u da bawu wari n utyoku a asu u aza da vu naka yi gba. <sup>3</sup> Ure u utsara uma u da bawu wari n utyoku u da na: a reve vu, uza da wari Kashila ka mayun koshi, kpam a reve Yesu Kawauwi, uza da vu suki. <sup>4</sup> N wenike ta tsupige tsu vunu a likimba an n kotsoi manyan ma vu naka mu n yain. <sup>5</sup> Gogo-na Tata, doku vu naka mu tsupige tsa mari n tsa an mari kaɓolo n avu kahu a yain likimba.

<sup>6</sup> “Vu naka mu ta atoni a roku pini a likimba u naha, kpam n wenike le ta tyoku da wari. Aza a vunu a da caupa, shegai vu naka mu n ele, kpam a gorimuko ta kadyanshi ka vunu. <sup>7</sup> A reve ta vu naka mu gba ili i'ya mari n i'ya. <sup>8</sup> Kpaci n tonuko le ta ili i'ya vu tonuko mu, kpam a wushuku ta n i'ya. A reve ta n wutai ara vunu, kpam a wushuku ta an ada vu suku mu. <sup>9</sup> Ma le ta uyanka kvasu. Aza a likimba a da mari uyanka kvasu wa, shegai aza da vu naka mu, adama a da a'ari aza a vunu. <sup>10</sup> Gba ama a nala yi aza da a'ari atoni a va aza a vunu a da, kpam gba aza da a'ari atoni a vunu aza a va a da dem. Mayun a wenike ta tyoku da tsupige tsu va tsari. <sup>11</sup> Ma ta utuwa ara vunu. Ma shamgba a likimba kpam wa. Shegai atoni a va a buwa ta ve pini a likimba. Wenike ucira u kala ka vunu; wata, kala ka vu naka mu, tsara ko ili i sawa le wa.

Aku a ɓolomgbono a woko ili i te n atoku a le, tyoku ɗa mpa n avu tsari ili i te. <sup>12</sup> N ucira u vunu u ɗa, ucira u ɗa vu naƙa mu tun mari a likimba n u ɗa n ɓishinkai ili i sawa le. Ko uza u te u le u puwan wa, shegai uza ɗa u ukai kaci ka ne a asuvu a ukpa vi koshi, tsara a shadangu ili i'ya Tagarada u Kashila u danai.

<sup>13</sup> “Gogo-na mpa la a utuwa ara vunu. Shegai n dansa ta ili i na yi tun mari a likimba, tsara atoni a va a shadangu n mazanga tyoku ɗa dem mari. <sup>14</sup> N tonuko le ta akani a vunu. Shegai ama a likimba a na a kovo le ta, adama a ɗa bawu a'ari ili i te n ama a likimba. Tyoku ɗa dem mpa mari ili i te n likimba wa. <sup>15</sup> Tonuko ɗa ma tonuko vu vu wutukpa le a asuvu a likimba vi wa, shegai vu ɓishinka uza u cingi vi u sawa le. <sup>16</sup> Mari a asuvu a aza a likimba u na wa, nala dem ele aza a likimba a ɗa wa. <sup>17</sup> Gonuko le sarara vu wulukpe le a asu u uwenishike u akani a vunu a ɗa a'ari a mayun. <sup>18</sup> N suku le ta a likimba, tyoku ɗa dem vu suku mu a likimba. <sup>19</sup> N neke ta kaci ka va n gbashika vu kotsu ele dem a neke kaci ka le a gbashika vu.

<sup>20</sup> “N yanka ta atoni a nala yi kavasuu, kpa dem ma yanka ta aza ɗa a ka tuwa a wushuku na mpa kavasuu adama a ili i'ya atoni a va a ka tonuko le a kaci ka va. <sup>21</sup> Ma ciga ta gba le a woko ili i te n atoku, tyoku ɗa mari ili i te n avu, avu kpa ili i te na mpa. Ma ciga ta dem a woko ili i te n atsu. Ama a likimba kpa a ka wushuku ta an a ɗa vu suku mu. <sup>22</sup> N naƙa ta ama a na tsupige tsa vu naƙa mu tsara a woko ili i te, tyoku ɗa mpa n avu tsari ili i te. <sup>23</sup> Mpa ili i te i'ya mari n ele, avu kpa ili i te i'ya vari na mpa, tsara a woko ili i te gba. Tsara ama

a likimba a reve an aḁa vu suku mu. A reve kpmam an va ciga atoni a va tyoku ḁa va ciga mu.

<sup>24</sup> “Tata, vu naḁa mu ta ama a na yi, kpmam ma ciga le ta a rongo a asu u ḁa maṛi, tsara a wene tsupige tsu va, tsupige tsa vu naḁa mu adama a ḁa va ciga mu kahu uyan u likimba.

<sup>25</sup> “Tata, aḁa vaṛi uza u shinga. Likimba reve vu wa, shegai n reve vu ta, kpmam ama a na a reve ta an vu suku mu. <sup>26</sup> N wenike le ta tyoku ḁa vaṛi, kpmam ma lya ta kapala n uyansa nala. Kotsu a cigamgbana dere tyoku ḁa vu ciga mu, tsara n bolomgbono n ele.”

## 18

### *A kanai Yesu*

*(Matiyu 26:47-56; Marku 14:43-50; Luka 22:47-53)*

<sup>1</sup> An Yesu kotsoi kavasu, aku a lazai kaḁolo n atoni a ne a pasai Karara ka Kidiron. A rawai a asu u ḁa waṛi na ndanga n zayitum ushani, aku a uwai pini. <sup>2</sup> A tsu bansa ta pini asu u vi, adama a nala a ḁa i zuwai Yahuza, uza ḁa u nekei Yesu u revei asu u ḁa a'ari. <sup>3</sup> Adarakpi a pige n Afarishi a roku a suki aza a uwundya u Kuwa ku Kashila tsara a soku Yahuza. Kaḁolo ka asoje ka aza a Roma ka dem pini, ama a na yi a'a ta ubani n iwunukatsu na ncikal, n avasu. Yahuza ḁa tonoi n ele hal ubana a asu vi.

<sup>4</sup> Yesu reve ta gba ili i'ya ya gita n eyi, aku u raḁai a kapala u wece le, “Ya ya zama?”

<sup>5</sup> A wushuki, “Yesu uza u Nazara.”

U wushunku le, “Mpa Yesu!” (Yahuza uza ḁa u kpatalakai Yesu vi, wa ta kushani pini n asoje

yi.) <sup>6</sup> An u tonuko le, “Mpa gai vi,” aku a baṣṣai n kucinācinā hal a rukpusai a iyamba.

<sup>7</sup> U doku wece le, “Ya ya zama?”

A danai “Yesu uza u Nazara.”

<sup>8</sup> U wushunku le, “N tonuko da de mpa gai Yesu vi. Mpa baci ya zama vi, asakai atoni a va a laza.”

<sup>9</sup> Nala gita ta tsara ili i'ya u danai caupa i woko mayun: “N puwunsa ko uza u te a asuvu a aza da vu naka mu wa.”

<sup>10</sup> Aku Simo Bituru talai burundu u ne u kampanbanai kutsuvu ku ulyaki ku kagbashi ka Magono ma Adaraki. (Kala ka kagbashi ki ka Malaku.) <sup>11</sup> Yesu tonukoi Bituru, “Gonuko burundu vi a ivin i ne. Va wundya ma wushuku n soi mako ma upana ikyamba tyoku da Tata u va u fobusoi wa?”

*A bankai Yesu a asu u Magono ma Adaraki  
(Matiyu 26:57-58; Marku 14:53-54; Luka 22:54)*

<sup>12</sup> Uzapige u kuvont u Roma n asoje a ne, kabolo n aza a uwundya u Kuwa ku Kashila a kana Yesu aku a sira yi. <sup>13</sup> A gita a banka yi ara Hanana, koku u Kayafa, uza da wari Magono ma Adaraki a kayen ki. <sup>14</sup> Kayafa da wari u tonukoi azapige a aza a Yahuda caupa, u da, “Wa la ta tsulobo uza u te u na vi u kuwa n u da a ama gba a ka kuwa.”

*Bituru nanai Yesu  
(Matiyu 26:69-70; Marku 14:66-68; Luka 22:55-*

*57)*

<sup>15</sup> Simo Bituru n katoni ka roku a tonoi Yesu. Katoni ki n Magono ma Adaraki mi a revengbene ta, adama a nala u uwa ta pini a ulanga u kuwa ku Magono ma Adaraki mi kabolo n Yesu.

<sup>16</sup> Shegai Bituru vana yi pini a utsutsu u kuwa vi.

Aku katonni ki ka gonoi ka dansai n makere ma mari kagbashi uza da wari a utsutsu. Aku u asakai Bituru uwai, <sup>17</sup> makere mi ma wece yi, “Avu dem katonni ka Yesu ka, ko nala wa?”

Bituru wushuki, “Nala wa, mpa wa!”

<sup>18</sup> A'ayin yi a ka yan ta kutanu, aku agbashi yi n aza a uwundya u Kuwa ku Kashila a tasuki akina a ka lyashuku. Pini nala, Bituru banai dem u shamgbai tsara u lyashuku.

*Magono ma Adarakpi ma yansai Yesu keci*

*(Matiyu 26:59-66; Marku 14:55-64; Luka 22:66-*

*71)*

<sup>19</sup> Magono ma Adarakpi ma yansai Yesu keci a kaci ka atoni a ne n uwenishike u ne. <sup>20</sup> Yesu wushuki, “N yansa ta kadyanshi tsara ya dem pana. N rongo ta uwenishike a agata a Kashila n Kuwa ku Kashila, a asu u da gba aza a Yahuda a tsu bolomgbono. N tsu dana ili ukpawunsi wa.

<sup>21</sup> Nida va yan mu keci ku na? Wece ama da a panai uwenishike u va. A reve ta ili i'ya n dansai.”

<sup>22</sup> An Yesu danai nala, aku uza da wa wundya Kuwa ku Kashila ki u basa yi, u danai, “Ya vari hal va dansa n Magono ma Adarakpi naha?”

<sup>23</sup> Yesu wushuki, “N dana baci ili i roku i'ya Mele ma danai i gan wa, she i dana i'ya. Shegai ili i'ya n danai mayun da baci, nida u basa mu?”

<sup>24</sup> Yesu pini usiri, aku Hanana tutsuku yi ara Kayafa Magono ma Adarakpi.

*Bituru doki u nanai Yesu*

<sup>25</sup> A'ari pini, Simo Bituru pini kushani evu n akina n u lyashuki, aku a wece yi, “Avu dem katonni ka Yesu ka, ko nala wa?”



Shegai Bituru nanai u danai, “Nala wa, mpa wa!”

<sup>26</sup> Kagbashi ka Magono ma Adarapki ka roku ka pini dem a asu vi. Kumaci ku vuma da a kapai kutsuvu. U danai, “Yavu va da n wene vu ta a asu u ndanga n zayitum kabolo n eyi, ko n wene vu wa?”

<sup>27</sup> Aku Bituru doki u nanai, kute-kute kapen ka salai.

*A bankai Yesu ara Bilatu*

*(Matiyu 27:1-2, 4; Marku 15:1-5; Luka 23:1-5)*

<sup>28</sup> Kayafa kotsu ta uyanka Yesu afada n kpasani. Aku a banka yi ara Bilatu, gomuna a asuvu a tsugono tsu Roma. Shegai ama yi a uwa pini a kuwa ki wa. A da baci uza roku a asuvu a le wari u uwai pini, wari wa woko ta n ashinda, kpan Mele ma asaka yi u lyai ilikulya i Abiki a Upasamgbana wa. <sup>29</sup> Aku Bilatu wuta i uwotsu vi u wece le, “Kadyanshi ka eni ka i tukoi vuma u na n ka?”

<sup>30</sup> A wushuki, “A da baci vuma u na wari uza u unyushi wa, tsara tsa tuko yi ara vunu wa.”

<sup>31</sup> Bilatu tonuko le, “Bidya ni n kaci ka de i ba i yanka yi afada tyoku da Mele ma de ma danai i yanka yi.”

Aku a wushuki, “Eda aza a Roma i tsu asaka tsu tsu zuwa a wuna vuma wa.” <sup>32</sup> Ili i'ya a danai i wenike ta kadyanshi ka Yesu yain a ukuna u tyoku da wa kuwa, wa woko de mayun.

<sup>33</sup> Aku Bilatu gonoi a kuwa ku tsugono tsi, u isa i Yesu u wece yi, “Avu magono ma aza a Yahuda ma?”

<sup>34</sup> U wushunku yi, “Keci ku vunu ka na vi, ko gai aza roku a da a tonuko vu ukuna u va?”

<sup>35</sup> Bilatu wece yi, “Vu reve t̄a gai mpa uza u Yahuda d̄a wa! Ama a vunu a d̄a n adar̄akpi a pige a vunu alya a n̄ak̄a mu n avu. Ndya vu yain?”

<sup>36</sup> U wushuki, “Tsugono tsu v̄a tsu likimba u na tsa wa. A da baci tsu likimba u na tsa, agbashi a v̄a a ka shil̄akana t̄a tsar̄a a b̄ishinka ama a neke mu a akere a azapige a aza a Yahuda a na. Mpa tyoku u ngono n d̄a ma lya tsugono tsu likimba u na d̄a m̄ari wa.”

<sup>37</sup> Bilatu wece yi, “Dana avu magono ma?”

U wushuki, “Vu dana t̄a mpa magono ma, kpm vu dana t̄a mai. Adama a nala a d̄a a matsa mu kpm adama a nala a d̄a n tuw̄ai a likimba tsar̄a n tonuko ama ukuna u mayun. Kpm gb̄a uza d̄a wa ciga ukuna u mayun u tsu pan̄aka mu t̄a.”

<sup>38</sup> Bilatu wece yi, “Ndya ukuna u mayun vi?”

*A kid̄agai Yesu ugana u ukpa*

*(Matiyu 27:15-31; Marku 15:6-20; Luka 23:13-25)*

An Bilatu danai nala, aku u lazai ubana a asu u aza a Yahuda yi u tonuko le, “Vuma u na u yan ili i roku i'ya i rawai ma dana, ‘U k̄ana t̄a u kuw̄a’ wa.

<sup>39</sup> I reve t̄a gai n tsu as̄ak̄a t̄a vuma u te a asuvu a kuwa ku a'ali a'ayin a Abiki a Upasamgbana dem. Ya ciga n as̄ank̄a d̄a ‘magono ma aza a Yahuda d̄a?’”

<sup>40</sup> A worukpoi, “A'a, eyi na wa! Baraba d̄a tsa ciga.” (Baraba tani uza u magal̄ak̄a d̄a.)

## 19

<sup>1</sup> Pini nala, Bilatu zuwai asoje a ba a bawin Yesu.

<sup>2</sup> A cacai funi u awana kakondori aku a ukunkai yi

a kaci, a ukunka yi kunya ku mini ma galura.\* <sup>3</sup> A tuwusaɪ ara ne n a dansi, “Uma u vunu u ɓaraƙpa, magono ma aza a Yahuda!” A rongo yi kpam u ɓasa a upetiwa'eshi.

<sup>4</sup> Bilatu doki u banai a uwotsu vi u tonukoi ama yi, “Panai, ma tuko yi ta pini naha tsara n wenike an bawu n tsaraɪ unyushi u da u rawai n wuna yi.”

<sup>5</sup> Aku Yesu wutaɪ, u'uki n funi u awana n kunya ku mini ma galura. Bilatu tonuko le, “Vuma da da na!”

<sup>6</sup> An adaraƙpi a pige n aza a uwundya u Kuwa ku Kashila a wene yi, aku a salai, “Wandamgbana ni! Wandamgbana ni!”

Shegai Bilatu wushunku le, “Eda bidya ni i ba i wandamgbana. N tsara yi n unyushi u da u rawai n wuna yi wa.”

<sup>7</sup> Azapige a aza a Yahuda yi a wushuki, “U da aya Maku ma Kashila. Adama a nala, Mele ma tsunu ma dana ta u kuwa.”

<sup>8</sup> An u panai nala, aku u doki u giruwaɪ cika. <sup>9</sup> U doki u gonoi a asuvu u wecei Yesu, “Nte vu wutaɪ?” Shegai u wushunku yi wa. <sup>10</sup> Bilatu danai, “Va wushunku mu wa? Ciɓa, ma ta n ucira u da ma zuwa a asaka vu ko kpam a wandamgbana vu.”

<sup>11</sup> Yesu wushunku yi, “Va fuda ta va zuwa ama a yanka mu ili i'ya vu zuwa le adama a da Kashila ka zuwa vu vu fuda vu yain nala. Vuma da u zuwai a tuko mu ara vunu u la vu ta unyushi u cingi.”

<sup>12</sup> An Bilatu panai nala, aku wa ciga u asaka Yesu. Shegai azapige a aza a Yahuda yi a rongoi

---

\* **19:2** A'ayin a nala yi, Kaisa Magono u tsu uka ta avuku a da a pianaɓasai kakondori n a da a'ari n mini ma galura. A yanka ta Yesu nala tsara a yanka yi majari.

isali, “Vu aṣaka baci vuma u na, vu buwa kpm kaje ka Kaisa Magono wa! Uza da baci dem u gonukoi kaci ka ne magono, utokulalu u Kaisa da!”

<sup>13</sup> An Bilatu panai ili i'ya a'ari utono, aku u wutukpai Yesu a ulanga u da a ka isa Ulanga u da a Kirai n Atali (N Tsi'arama tani “Gabata”). Eyi kpm u dusuki a karatsu ka afada a ulanga u kuwa ku tsugono. <sup>14</sup> N kaara a kaci ka Kain ka Afofi ka Abiki a Upasambana ka.

Aku Bilatu tonukoi aza a Yahuda yi, “Magono ma de ma na!”

<sup>15</sup> Aku a worukpoi cika, “Wuna ni! Wuna ni! Wandambana ni!”

U wece le, “Ya ciga mu n wandambana magono ma de da?”

Adarakpi a pige a wushuki, “Tsa n magono ma roku ma ma wurai Kaisa wa.”

<sup>16</sup> Aku Bilatu naka le Yesu tsara a ba a wandambana yi.

### *A wandambanai Yesu*

*(Matiyu 27:32-44; Marku 15:21-32; Luka 23:26-43)*

Pini nala, asoje yi a bidyai Yesu a lazai n eyi. <sup>17</sup> An wa wuta a ilyuci yi, aku u cangai mawandambani ma ne ubana a asu u da a ka isa Mako ma Kaci. (Asu vi a tsu isa ta u da dem “Golugota”† n Tsi'arama). <sup>18</sup> Nte a varai Yesu pini n ikusa. Nala dem a yankai aza a kuwa ku a'ali a roku ama a re, ya dem a kapashi ka te, Yesu aya a mere ma le.

<sup>19</sup> Bilatu zuwa le a zuwa iryoci a mawandambani mi. I danai, “YESU UZA U NAZARA, MAGONO

MA AZA A YAHUDA.” <sup>20</sup> A korongu t̄a i'ya hal ku-tatsu: i kagit̄a n Tsiyahuda, n Tsiroma, aku n Tsiheline.† Ama ushani a yan t̄a i'ya k̄aneshi, kpaci a asu u d̄a a wandamgbani Yesu vi, w̄ari m̄b̄ari n ilyuci yi wa. <sup>21</sup> Adar̄akpi a pige a tonukoi Bilatu, “Kotsu vu korongu ‘Magono ma aza a Yahuda wa,’ shegai korongu ‘Vuma u na u danai aya Magono ma aza a Yahuda.’ ”

<sup>22</sup> Bilatu wushunku le, “N korongu t̄a u d̄a nala, kpam nala wa woko.”

<sup>23</sup> An asoje yi a varai Yesu ikusa a mawandamgbani, aku a bidyai aminya a ne a pecei a d̄a a asu u kunishi, kasoje dem ka ts̄ar̄ai ka te. A bidyai dem matogo ma bululu ma ne ma m̄ari kunya ku te ka a cai ili i'ya i bidyai a zuba ubana a iyamba.

<sup>24</sup> Aku asoje yi a dansai utyoku u le, “Tsa kara ka wa. As̄ak̄a tsu varanki ka uruta ts̄ar̄a tsu wene uza d̄a wa ts̄ar̄a ka.” Nala git̄a t̄a ts̄ar̄a udani u Tagar̄ada u Kashil̄a u na u woko mayun:

“A pecei aminya a v̄a, aku a varanki matogo ma v̄a uruta.” ◇

Nala tani asoje yi a yain.

<sup>25</sup> Mma u Yesu u shamgba t̄a a ikengi i mawandamgbani mi kabolo n anukakenu a ne, n Meri uka u Kulofa. Meri Magadaliya w̄a t̄a dem pini kushani. <sup>26</sup> Katoni ka Yesu wa ciga cika ka dem pini kushani evu n̄a mma u Yesu vi. An Yesu wene le gb̄a, u tonukoi mma u ne, “Vuma u na aya maku ma vunū gogo-na.” <sup>27</sup> U tonukoi kpam katoni ki, “Mma u vunū u d̄a na gogo-na.” Pini nala, katoni ki ka bidyai mma vi ubana a kuwa ku ne.

---

◇ 19:24 Ishp. 22:18.

*Ukpa u Yesu*

(*Matiyu 27:45-56; Marku 15:33-41; Luka 23:44-49*)

<sup>28</sup> Yesu reve ta gogo-na u kotso de manyan ma ne. Shegai an wa ciga u shadangu udani u Tagarada u Kashila, aku u danai, “Ma pana ta kakuli!” <sup>29</sup> Kadele ka pini ushadangi n mini ma cinwi ma kalam, aku asoje yi a ukai pini kashaku, a sirai ka a kalangu, a radagbai ka ubana a unu u ne. <sup>30</sup> An u comoi ma, aku u danai, “A kotso de.” Aku u varai kaci ka ne a iyamba, pini nala, uma u ne u wutai.

*A sapai Yesu a mabele*

<sup>31</sup> Kain ka Afobi ka, kain ka wansa baci Ashibi kpam a doku ta ka kalen kpaci kain ka Abiki a Upasamgbana† ka. An u wokoi aza a Yahuda bawu a ka ciga ikyamba yi i woko pini a mawandamgbani n kain ka Ashibi, a foloi Bilatu tonuko asoje a koduso a'ene a aza da a'ari a mawandamgbani mi. Aku kpam a takpusa ikyamba yi a zuba u mawandamgbani mi. <sup>32</sup> Asoje yi a gitai a koduso a'ene a ama a re aza da a'ari a apashi a re a Yesu yi. <sup>33</sup> Shegai an a rawai ara Yesu, a cina yi cina u kuwa de, a kodo a'ene a ne wa. <sup>34</sup> Uza u te a asuvu a asoje yi u bidyai masari ma ne u sapai yi n ma a mabele. Aku mpasa n mini ma wutai. <sup>35</sup> Tsu reve ta ukuna vi mayun da, kpaci uza da u wenei u da a'ayin a da ukuna vi u gitai aya u danai. U tonuko

---

◇ **19:28** Ishp. 69:21; Ishp. 22:15. † **19:31** Abiki a Upasamgbana a ka fuda ta a ka woko ko kain ka eni ka baci a asuvu a a'ayin a shindere. Adama a nala, Abiki a Upasamgbana yi a kana ta a kain ka Ashibi a kayen ka a wandamgbana Yesu, pini nala, aku a doki kain ki kalen.

tsu t̄a tsar̄a i wushuku. <sup>36</sup> Ukuna vi u gita t̄a tsar̄a udani u Tagar̄ada u Kashil̄a u woko mayun: “Ko katele ka te ka ne ka la ka kodo wa.” ◇ <sup>37</sup> Tagar̄ada u Kashil̄a kpam dem u dana t̄a, “A ka webele t̄a uza da a sapai n masari.” ◇

*Kacida ka Yesu*

*(Matiyu 27:57-61; Marku 15:42-47; Luka 23:50-56)*

<sup>38</sup> An nala wurai, Isuhu u Arimatiya, u wecei Bilatu ko wa asaka u bidya ikyamba i Yesu. (Isuhu katoni ka Yesu ka shegai a ukpawunsi, kpaci wa pana t̄a uwonvo u azapige a aza a Yahuda.) Bilatu wushuku t̄a, pini nala, Isuhu vi u lazai u ba u cangai ikyamba yi u lazai n i'ya. <sup>39</sup> Nikodimu uza da wari u tuwai ara Yesu n kayin ki u soku yi t̄a. U tukoi ili i magulani i utsunku akushe icun kure i'ya i rawai evu n uratsanaka amangatawun (100). <sup>40</sup> Ama a re a na yi a bidyai ikyamba i Yesu a cacai i'ya ukyawan n aminya kabolo n ili i magulani yi. Tyoku da aza a Yahuda a tsu yan da la vi a ka cidangu baci kakushe. <sup>41</sup> Asu u uwandamgbansa vi wa t̄a evu n kashina ka ndanga, a asu u da wari n kasaun ka savu ka bawu kotsu a zuwai pini uza. <sup>42</sup> An u wokoi Kain ka Afobi ka kahu Abiki a Upasamgbana kpam kasaun ki kari evu, aku a ukai ikyamba i Yesu pini.

## 20

*U'yanḡa u Yesu a ukpa*

*(Matiyu 28:1-8; Marku 16:1-8; Luka 24:1-12)*

---

◇ 19:36 Uwt. 12:46; Mkc. 9:12; Ishp. 34:20. ◇ 19:37 Zak. 12:10.

<sup>1</sup> N kpasani ku kain ka kagita ka a'ayin a shindere; wata, kain ka Aladi, Meri Magadaliya banai a kasaun ki, u wenei a gindalakpa de katali ki a giduwai unā u kasaun vi. <sup>2</sup> Aku u sumai ugono a asu u Simo Bituru n katoni ka roku, uza da Yesu cigai, u tonuko le, “A bidya de Asheku a kasaun ki, kpm tsu reve a asu u da a zuwa yi wa!”

<sup>3</sup> Bituru n katoni ki a lazai ubana a kasaun ki. <sup>4</sup> A'ari ilyadi gba le, aku katoni ki ka wurai Bituru u lasa yi urawa pini a kasaun ki. <sup>5</sup> An u kelikei u webelei a asuvu, u wenei aminya a kacida yi uzuwi, shegai u uwa pini wa. <sup>6</sup> Aku Simo Bituru rawai u uwai pini a asuvu. U wenei aminya a kacida yi uzuwi. <sup>7</sup> Aku kpm u wenei kakashi ka a palakai upetiwa'eshi u Yesu vi, a katalai ka a asu u ne kau. <sup>8</sup> Aku katoni ka ka gitai urawa a kasaun ki, eyi dem u uwai. U wenei kpm u wushuki Yesu 'yanga de a ukpa. <sup>9</sup> (Kotsu a'ari a reve an Tagarada u Kashila u danai u kana ta Yesu 'yanga a ukpa wa.) <sup>10</sup> Aku atoni yi a gonoi a kuwa.

*Meri Magadaliya wenei Yesu  
(Matiyu 28:9-10; Marku 16:9-11)*

<sup>11</sup> Shegai Meri shamgbai a ulanga u kasaun vi, n u sayi. U kelikei u webelei a asuvu a kasaun ki. <sup>12</sup> U wenei atsumate a zuba a re pini, a ukai aminya a eri. Aku a dusuki a asu u da ikyamba i Yesu i'ari caupa. Uza u te a asu u kaci uza u te kpm a asu u a'ene.

<sup>13</sup> A wece yi, “Ndya i zuwai va sa?”

U wushuki, “A bidya de Asheku a va, kpm n reve a asu u da a zuwa yi wa.” <sup>14</sup> An Meri danai



nala, aku u kpatalai u wenei Yesu kushani pini a asu vi, shegai u reve an aya wa.

<sup>15</sup> Yesu wece yi, “Nɗya i zuwai va sa? Ya va zama?”

Meri n u wundi uza ɗa wa kirana n kashina ka ndanga ki aya, aku u danai, “Uzapige, vu bidya baci ikyamba i ne, ma folo vu, tonuko mu tsara n bana n bidya.”

<sup>16</sup> Yesu tonuko yi, “Meri.”

Meri kpatalai ara ne u danai, “Rabboni!” (Wata, “kawenishiki ka va” n Tsi'arama.)

<sup>17</sup> Yesu tonuko yi, “Kotsu vu kana mu wa, kpaci kotsu n gono ara Tata wa. Shegai wala vu bana a asu u atoni a va vu tonuko le, ‘Ma gono ta ara Tata u va uza ɗa dem wari Tata u de. Aya Kashila ka va, kpam aya dem Kashila ka de.’ ”

<sup>18</sup> Aku Meri Magadaliya gonoi u tonukoi atoni yi u wene ta Asheku. U tonuko le kpam ili i'ya u tonuko yi.

### *Atoni a Yesu a wene yi*

*(Matiyu 28:16-20; Marku 16:14-18; Luka 24:36-49)*

<sup>19</sup> Pini n kayin ka Aladi ka nala ki, atoni yi a ɓolomgbonoi a kunu aku a gidakusi itsutsu yi gba, kpaci a ka pana ta uwonvo u aza a Yahuda. Aku Yesu uwai u shamgbai a asuvu a le u danasa le, u danai, “Ndishi n shinga n rongo n ada.” <sup>20</sup> An u danai nala, aku u wenike le a'utsu a ɗa a'ari a akere a ne n a mabele ma ne. Atoni yi a shadangu ta n mazanga cika an a wenei Asheku. <sup>21</sup> U doki u danai, “Ndishi n shinga n rongo n ada. Tyoku ɗa Tata u va u suku mu, nala dem ma suku ɗa.” <sup>22</sup> Aku u fulaka le kuvi ku ne, u danai, “Wushai Kulu Keri.

<sup>23</sup> Aza da baci i cimbusukai unyushi u cingi u le, Kashila dem ka cimbusuka le ta, kpam a woko de ucimbusuki. Aza da baci kpam bawu i cimbusukai unyushi u cingi u le, Kashila dem ka cimbusuka le wa.”

### *Yesu n Toma*

<sup>24</sup> Uza u te a asuvu a Kupanamere yi; wata, Toma (uza da a tsu isa Mapeshe), wari pini kaɓolo n ele wa, a'ayin a da Yesu wenikei kaci ka ne vi. <sup>25</sup> An u rawai, atoni a da a buwai vi a ka tonusuko yi, “Tsu wene ta Asheku!”

Shegai Toma danai, “Ma wushuku wa she n wene a'utsu a da a vara yi n ikusa yi, n uka pini kujubu ku va, kpam n uka kukere ku va a mabele ma ne.”

<sup>26</sup> An a yain a'ayin a shindere, aku atoni yi a doki a bolomgbonoi a kunu ki, Toma pini dem kaɓolo n ele. A gidakusu ta dem itsutsu yi tyoku da a yain caupa, pini nala, Yesu tuwai u shamgbai a mere ma le. U danasa le u danai, “Ndishi n shinga n rongo n ada.” <sup>27</sup> Aku u tonukoi Toma, “Wene akere a va, uka kujubu ku vunu a a'utsu yi. Uka kukere ku vunu pini a mabele ma va. Asaka ukpada u uwushuku vu wushuku.”

<sup>28</sup> Toma wushuki, “Ada Asheku a va n Kashila ka va.”

<sup>29</sup> Aku Yesu tonuko yi, “Vu wushuku ta an u wokoi vu wene mu. Aza da a wushuki bawu a wene mu, a ka yan ta ipeli i mayun.”

### *Ili i'ya i zuwai Yahaya korongi tagarada na*

<sup>30</sup> Atoni a Yesu a wene yi ta u yansai ikunesavu ushani i'ya bawu a korongi a asuvu a tagarada u na. <sup>31</sup> N korongu ta ikuna i na yi tsara i wushuku

an Yesu aya Kawauwi Maku ma Kashila, kparam adama a ɗa i wushuki n eyi, ya tsara ta uma.

## 21

### *Ibilili ushadangi n adan*

<sup>1</sup> Aku Yesu tuwai u doki u wenikei kaci ka ne a asu u atoni a ne a ikengi i Kushiva ku Galili.\* Tyoku da ukuna vi u gitai da na: <sup>2</sup> Atoni a ne ushani alya a pini: Simo Bituru, n Toma (uza da a tsu isa Mapeshe), n Nataniya u Kanan u Galili, na mmuku n Zabidi, n atoni a re a roku. <sup>3</sup> Simo Bituru tonukoi aza da a buwai vi, “Ma bana ta ukansa adan.”

Aku a danai, “Tsa bana ta dem kabolo n avu.” Aku a lazai a asuvu a kpatsu ku le. Shegai a kana ko i te wa n kayin ka nala ki.

<sup>4</sup> An kain ka wansai n usana u de, aku Yesu shamgbai a ikengi i kushiva, shegai atoni yi a reve an Yesu da wa.

<sup>5</sup> U isa le u danai, “Ama a va, i kana gbam adan?”

A wushuki, “A'a.”

<sup>6</sup> Aku u tonuko le, “Vutalai ibilili i de a kapashi ka ulyaki ka kpatsu ki, ya kana ta.” Aku a yain nala, a fuda gbam a rono ibilili yi wa kpaci adan a da pini ushani.

<sup>7</sup> Aku katonni ka Yesu wa ciga vi u tonukoi Bituru, “Asheku a da!” An u panai a danai Asheku a da, aku u ukai matogo ma ne (kpaci wari u mondo ta ma an wa yan manyan), aku u radugi u rukpai pini a mini mi. <sup>8</sup> Atoni a da a buwai vi a rawai a kpatsu ki, aku a ka gana ibilili yi ushadangi n adan. A'ari mbari n kagida wa, evu n iyadi amangatawun

\* **21:1** Kushiva ku Tibariya kala ka dem ka Kushiva ku Galili.

(100) i'ya. <sup>9</sup> An atoni yi a wutaḡi a kpatsu ki, a wenei wa ta n ilikulya, kpaḡ wa zungu adan a akina.

<sup>10</sup> Aku Yesu danai, “Tukoi adan a roku a asuvu a ḡa i kaḡai vi.”

<sup>11</sup> Aku Simo Bituru gonoi a kpatsu ki u ronoi ibilili yi ubana a kagiḡa. Adan a pige aman-gatawun n amangarenkupa n a tatsu (153) a ḡa a'ari pini, gba n nala ibilili yi i kara wa. <sup>12</sup> Yesu tonuko le, “Tuwaḡi i lyai ilikulya.” Ko uza u te a asuvu a atoni yi u kawan u wece yi, “Aḡa yai?” wa, kpaci a reve ta Asheku a ḡa. <sup>13</sup> Aku Yesu banai u bidyai burodi u naḡa le. U naḡa le kpaḡ dem adan yi. <sup>14</sup> Tatsu ḡa la vi an Yesu wenikei kaci ka ne ara le an u 'yangai a ukpa.

### *Yesu n Bituru*

<sup>15</sup> An a kotsoi ulya ilikulya, Yesu wecei Simo Bituru, “Simo maku ma Yahaya, va ciga mu kapala n uciga u ḡa atoni a na a ka ciga mu?”

U wushuki, “Eye, Asheku, vu reve ta ma ciga vu.”

Yesu danai, “Linaka mmuku ma ncon n va.”

<sup>16</sup> Yesu doki u wecikei u ire, “Simo maku ma Yahaya, va ciga mu?”

Bituru wushuki, “Eye, Asheku, vu reve ta ma ciga vu!”

Yesu danai, “Kirana na ncon n va.”

<sup>17</sup> U doki u wecikei utatsu, “Simo maku ma Yahaya, va ciga mu?”

Aku Bituru namgbai katsuma an Yesu wece yi hal kutatsu u da wa ciga yi. Aku u tonukoi Yesu, “Asheku, vu reve ta ko ndya wa. Vu reve ta ma ciga vu.”

Yesu tonuko yi, “Linaka ncon n va. <sup>18</sup> Mayun n tonuko vu, a'ayin a da vari kalobo, vu tsu uka ta aminya n kaci ka vunu vu bana a asu u da dem va ciga vu bana. Shegai vu kutsa baci, va barakpa ta akere a vunu uza roku u uka vu, u rono vu ubana a asu u da bawu va ciga vu bana.” <sup>19</sup> (Yesu dana ta nala tsara u wenike tyoku da Bituru wa kuwa tsara u naka Kashila tsupige.) Aku Yesu tonukoi Bituru, “Tono mu!”

<sup>20</sup> Bituru yiralakpai aku u wenei katoni ka Yesu wa ciga vi wa tono le, aya kparam dem uza da u rabai evu n Yesu an a ka lya ilikulya aku u wecikei, “Asheku, ya uza da wa neke vu vi?” <sup>21</sup> An u wene yi, u wecei Yesu, “Asheku, ndya ya tuwa ya gitā n eyi?”

<sup>22</sup> Yesu wushunku yi, “N da baci ma asaka yi n uma hal a'ayin a da ma gono, ndya i birika vu? Avu gai tono mu.” <sup>23</sup> Aku alabari a kyawain a asu u atoni a da eyi nala vi wa kuwa wa. Shegai Yesu dana da u danai eyi na wa kpada ukuwa wa. Dana da gai u danai, “N da baci ma asaka yi n uma hal a'ayin a da ma gono, ndya i birika vu?”

<sup>24</sup> Katoni ka nala ki aya u dansai gba ili i na yi. U korongi i'ya, kparam tsu reve ta ukuna u mayun u da wa dansa.

<sup>25</sup> Yesu yansa ta ili i roku ushani. A da baci a ka korongu gba ili i na yi a itagarada, a uwene u va kabala ka la a likimba ka ka bidya i'ya wa.

**Kazuwamgbani ka savu n Tsikimba n a6on a  
da a dangasai a kazuwamgbani ka cau  
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsikimba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

a4f6a28b-3d6d-50b4-a81b-06ae05a66010